

Bosna i Hercegovina
Federacija Bosne i Hercegovine
ZENIČKO-DOBOJSKI KANTON
OPĆINA MAGLAJ
OPĆINSKO VIJEĆE



Bosnia and Herzegovina
Federation of Bosnia and Herzegovina
ZENICA – DOBOJ CANTON
MAGLAJ MUNICIPALITY
MUNICIPAL COUNCIL

Služba Općinskog načelnika i
Općinskog vijeća

Broj: 02-04-2-139/2021

Datum, 03.02.2021. godine

Z A P I S N I K

sa 2. redovne sjednice Općinskog vijeća Maglaj
održane dana 03.02.2021. godine u 9:00 sati u kino sali
JU Dom kulture «Edhem Mulabdić» Maglaj

Predsjedavajuća Svjetlana Zamboni-Radovanović, na osnovu člana 59. Poslovnika o radu Općinskog vijeća Maglaj, zaključaka Kolegija od 22.01.2021.godine, te Programa rada Općinskog vijeća otvaram 2. redovnu sjednicu Općinskog vijeća.

Na današnju sjednicu pozvani su vijećnici iz parlamentarnih političkih stranaka SDP, SDA, A-SDA, SBB, DF, HDZ i NBL. Poziv za sjednicu i materijali dostavljeni su OSCE-ovom terenskom uredu u Travniku i sredstvima informisanja koji prate rad današnje sjednice. Pozvan je načelnik općine, rukovodioci općinskih Službi, općinska pravobraniteljica, kao i predstavnici čiji materijali će biti razmatrani na današnjoj sjednici.

Sve vas pozdravljam i pozivam da svako na sebi svojstven način, odamo dužnu počast onima koji su svoje živote ugradili u domovinu nam Bosnu i Hercegovinu i svim žrtvama rata.

Zamolila bih predstavnicu Službe Načelnika općine i Općinskog vijeća da prozivkom utvrdimo broj vijećnika na 2.redovnoj sjednici Općinskog vijeća Maglaj.

Današnjoj sjednici Općinskog vijeća prisustvuje **23 vijećnika**.

Odsutni vijećnici Elvir Vehabović (NBL) i Mirsad Bežić (SDA).

Konstatujem da Općinsko vijeće može punovažno raditi i odlučivati i donositi odluke, zaključke i rješenja čime je ispoštovan član 88. Poslovnika o radu Općinskog vijeća Maglaj.

Na današnjoj sjednici potrebno je izvršiti verifikaciju zapisnika sa konstituirajuće i 1. redovne sjednice Općinskog vijeća. Da li ima primjedbi na zapisnike sa navedenih sjednica?

Ko je za verifikaciju oba zapisnika?

GLASALO ZA: Elvir Arnautović, Mirza Bradarić, Fikret Delić, Jasmin Đuhara, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana

Zamboni-Radovanović (SDP), Mustafa Bešić (SBB), Hajrudin Ferić (DF), Pero Mamić (HDZ), Aida Bašić (A-SDA), Adis Abdurahmanović, Jasmin Begić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

Jednoglasno verificirani zapisnici.

Predsjedavajuća Svjetlana Zamboni-Radovanović, prije nego pređemo na raspravu po pitanju dnevnog reda, sazvala bih Kolegij samo da prodiskutujemo jednu stvar.

PAUZA ZA KOLEGIJ.

Predsjedavajuća Svjetlana Zamboni-Radovanović, za ostatak Vijeća, bilo je neophodno uvrstiti još jednu tačku dnevnog reda. Kolegij se jednoglasno usaglasio da to bude tačka 7., te otvaram raspravu po pitanju dnevnog reda.

Vijećnik Jasmin Begić, ja vas sve pozdravljam i želim da vam pokažem samo dio materijala koje ste trebali pročitati za četiri, pet dana. Znači dio materijala. I bit ću skroman kad kažem da 30% nije pročitano, a kamoli pripremljeno. Na sjednici Kolegija sam tražio da se tačke izdvoje po prioritetima i da radimo normalno, da o svakoj tački diskutujemo, da svaku tačku uradimo kako treba, a ne da prelazimo preko toga. Izvod iz zapisnika Kolegija, ne da nismo dobili u roku od tri dana, shodno Poslovniku o radu član 31., nego ga nismo dobili nikako. Materijal za sjednicu Općinskog vijeća nismo dobili u roku od sedam dana. Dio smo dobili u roku od sedam dana, drugi dio smo dobili pet dana prije sjednice. Shodno članu 62. Poslovnika o radu, također materijal nismo dobili u printanoj formi, mada se izričito naglašava u članu 62. stav 3. Elektronski ste pokušali poslati materijal. To ne znate, to nemojte više.

Predsjedavajuća Svjetlana Zamboni-Radovanović, kome se obraćate?

Vijećnik Jasmin Begić, obraćam se svima, a ovo Vama predsjedavajuća. Zato što ne znate poslati materijal elektronski i nemojte slati, što sam vam rekao na sjednici Kolegija dok ne promijenimo Poslovnik o radu Općinskog vijeća. U Poslovniku fino piše član 62. stav 3. Predlažem da se ovaj dnevni red na ovoj sjednici, barem popolovi da se uradi kako treba. Ako nećete da ga prepolovite, nema veze, radit ćemo do večeras.

Vijećnik Mirza Mešić, pozdravljam sve prisutne. Vezano za dnevni red i materijal. Na Kolegiju na kojem je bio prisutan gospodin Begić, jasno je dogovoreno. On jeste spominjao da ima više. Ali isto tako obrazloženo i maloprije rečeno da ima još 30 i više tačaka dnevnog reda. Mi samo odlažemo i stvaramo sebi problem koji nećemo moći završiti. Što se tiče dnevnog reda, Klub SDP-a stoji iza njega. Što se tiče dostave materijala, Begić je bio prisutan i ništa nije imao protiv da se dostavlja samo šefovima Klubova i strankama, da ne ide printano ostalim članovima Vijeća. To je bio dogovor Kolegija i to smo izglasali jednoglasno.

Vijećnik Jasmin Begić-replika, Mirza ako si čitao Poslovnik o radu Općinskog vijeća. Kolegij nema ingirenciju da mijenja Poslovnik o radu Općinskog vijeća. I nije stvar u tome, ja ni u printanoj verziji nisam dobio čitav materijal, tek sam poslije dijelove Odluka morao printati sa mail-a.

Predsjedavajuća Svjetlana Zamboni-Radovanović, imali smo konkretan prijedlog koji glasi: „Da prepolovimo dnevni red.“

Vijećnik Eldis Kusur, sve vas selamim i pozdravljam. Kolega Jasmin Begić je fino kazao član 72. Poslovnika o radu, tražio je povredu Poslovnika, vi znate šta piše. Ovdje je prekršen

Poslovnik o radu, znači član 72. i član 62. stav 3. je prekršen. Nikakve ingirencije Kolegij nema oko dostavljanja materijala. Piše fino u članu 62. stav 3. kako se i na koji način dostavlja vijećnicima materijal. Nije ovdje samo riječ o prepolovljavanju dnevnog reda, nego i o kršenju Poslovnika.

Predsjedavajuća Svjetlana Zamboni-Radovanović, zaključujem raspravu po ovom pitanju. Na Kolegiju je usaglašen način dostavljanja materijala za ovu sjednicu. Ta odluka je bila donesena na Kolegiju. Gospodin Begić je znao kako će biti dostavljeni materijali, obrazloženo je zašto to tako mora biti.

Ko je za prijedlog Kluba SDA po pitanju dnevnog reda?

GLASALO ZA: Adis Abdurahmanović, Jasmin Begić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

GLASALO PROTIV: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni- Radovanović (SDP), Mustafa Bešić (SBB), Pero Mamić (HDZ),

GLASALO UZDRŽANO: Hajrudin Fermić (DF) i Aida Bašić (A-SDA).

DNEVNI RED

- 1. Nacrt Budžeta/Proračuna Općine Maglaj za 2021.godinu;**
- 2. Izvještaj o izvršenju Budžeta/Proračuna Općine Maglaj za period 01.01. - 30.06.2020.godine;**
- 3. Nacrt Odluke o izvršavanju Budžeta/Proračuna Općine Maglaj za 2021.godinu;**
- 4. a) Periodični finansijski izvještaj o izvršenju Budžeta/Proračuna Općine Maglaj za period 01.01. – 30.06.2020.godine.**
b) Periodični finansijski izvještaj o izvršenju Budžeta/Proračuna Općine Maglaj za period 01.01. - 30.09.2020.godine;
- 5. Dokument okvirnog Budžeta/Proračuna 2021 – 2023.godine;**
- 6. Operativni budžetski kalendar za izradu i donošenje Budžeta/Proračuna Općine Maglaj za fiskalnu 2022. godinu;**
- 7. Odluka o privremenoj izmjeni i dopuni Odluke o komunalnim taksama općine Maglaj;**
- 8. Program rada Načelnika općine i općinskih službi Općine Maglaj za 2021.godinu;**
- 9. Prijedlog Programa rada Općinskog vijeća Maglaj za 2021.godinu;**
- 10. Osnovni zadaci i programska orijentacija za rad Općinskog pravobranioca u 2021.godini;**

11. Prijedlog Rješenja o imenovanju komisija Općinskog vijeća kao stalnih radnih tijela

- a) Komisija za statutarna pitanja, Poslovník i propise;**
- b) Komisija za zaštitu ljudskih prava, predstavke i pritužbe građana;**
- c) Komisija za privredu, prostorno uređenje, urbanizam i zaštitu okoliša;**
- d) Komisija za poljoprivredu, vodoprivredu i šumarstvo;**
- e) Komisija za društvene odnose, odnose sa vjerskim zajednicama, boračko invalidska i socijalna pitanja;**
- f) Komisija za obrazovanje, nauku, kulturu i sport;**
- g) Komisija za pitanja mladih i ravnopravnost polova;**
- h) Etička komisija časti;**
- i) Komisija za zaštitu kulturno historijskog i privrednog naslijeđa i turizam;**
- j) Komisija za obilježavanje značajnih događaja i ličnosti iz historije Maglaja;**
- k) Komisija za dodjelu javnih priznanja;**

12. Prijedlog Rješenja o imenovanju;

- a) Komisije za procjenu prometne vrijednosti nekretnina;**
- b) Komisija za utvrđivanje tržišne vrijednosti na imovinu, naslijeđe i poklon;**
- c) Drugostepena stručna komisija;**

13. Prijedlog Odluke o pristupanju djelimičnoj izmjeni Regulacionog plana „Centar Maglaj – južni dio“, po zahtjevu ALU WOOD INŽINJERING d.o.o. Maglaj;

14. Prijedlog Odluke o pristupanju djelimičnoj izmjeni Regulacionog plana „Maglaj centar – južni dio“, po zahtjevu DŽINO PETROL d.o.o. Maglaj;

15. Prijedlog Odluke o pristupanju djelimičnoj izmjeni Regulacionog plana „Kosova“ – po zahtjevu DŽINO PETROL d.o.o. Maglaj;

16. Prijedlog Odluke o pristupanju djelimičnoj izmjeni Regulacionog plana „Centar Maglaj- sjeverni dio“ po zahtjevu „EURO MEAT“ doo Maglaj;

17. Prijedlog Odluke o prodaji nekretnine neposrednom pogodbom Mehinagić – Ruvic (Rifat) Samri iz Maglaja, radi oblikovanja građevinske parcele;

18. Prijedlog Odluke o prodaji nekretnine neposrednom pogodbom Suljaković (Muhamed) Taibu iz Maglaja, radi oblikovanja građevinske parcele;

19. Prijedlog Odluke o prosječnoj građevinskoj cijeni 1 m2 korisne stambene površine na području općine Maglaj za 2021.godinu;
20. Prijedlog Rješenja o izuzimanju zemljišta u korist Općine Maglaj radi formiranja građevinske parcele broj 72 po Regulacionom planu „Centar Maglaj – južni dio“;
21. Prijedlog Rješenja o utvrđivanju prava svojine u korist Zamboni (Ferdo) Zdenka iz Maglaja kao pravnog sljednika graditelja garaža;
22. Prijedlog srednjoročnog - trogodišnjeg plana potencijalnih projekata JPP-a 2021-2023.g. i godišnjeg plana potencijalnih projekata javno-privatnog partnerstva za 2021.godinu;
23. Odluka o visini i načinu isplate naknada općinskim vijećnicima, predsjedavajućeg, zamjenika predsjedavajućeg/dopredsjedavajućeg i naknada članovima Komisija Općinskog vijeća;
24. Odluka o kriterijima, mjerilima i načinu finansiranja parlamentarnih grupa političkih stranaka i samostalnih vijećnika u 2021.godini;
25. Odluka o visini naknade članovima Općinske izborne komisije;
26. Prijedlog Odluke o učešću općine Maglaj kao osnivača KJD u sufinansiranju;
27. Prijedlog Odluke o dodjeli poslovnih prostorija u vlasništvu Općine Maglaj udruženjima građana i humanitarnim organizacijama na privremeno korištenje;
28. Prijedlog Odluke o imenovanju povjerenika MZ-a općine Maglaj;
29. Odluka o pokretanju procedure izbora i imenovanja u reguliranim organima općine Maglaj;
30. a) Rješenje o razrješenju zamjenskog člana Općinske izborne komisije Maglaj;
Download
b) Odluka o raspisivanju javnog oglasa za imenovanje člana Općinske izborne komisije Maglaj (uz prilog Tekst Javnog oglasa za imenovanje člana Općinske izborne komisije Maglaj);

Ko je za?

GLASALO ZA: Elvir Arnautović, Mirza Bradarić, Fikret Delić, Jasmin Đuhara, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Fermić (DF), Pero Mamić (HDZ), Aida Bašić (A-SDA),

GLASALO PROTIV: Adis Abdurahmanović, Jasmin Begić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

1. Nacrt Budžeta/Proračuna Općine Maglaj za 2021. godinu;

Senada Alibajraktarević, evo pred nama je Nacrt Budžeta/Proračuna Općine Maglaj za 2021. godinu. Kao što znamo, pravni osnov za donošenja Budžeta/Proračuna Općine Maglaj za 2021. godinu sadržan je u članu 7. Zakona o Budžetima/Proračunima FBiH, člana 13. Zakona o principima lokalne samouprave i člana 42. Statuta Općine Maglaj. Izradi Nacrta Budžeta/Proračuna Općine Maglaj za 2021. godinu prethodile su aktivnosti koje su utvrđene budžetskim kalendarom koji je usvojen od strane Općinskog vijeća za 2021. godinu, kao izrada dokumenta okvirnog Budžeta 2021/2023. godine. Dokument okvirnog Budžeta za period 2021.-2023. godina rađen je u prvih šest mjeseci 2020. godine. Samo bih napomenula na zakonsku obavezu da ga ne usvaja Vijeće nego načelnik do 30.06., a Općinskom vijeću se daje samo informativno kao informacija. Kada je riječ o Budžetu/Proračunu Općine Maglaj za 2021. godinu prihodi i primici su planirani u iznosu 7.498.221,00 KM, rashodi i izdaci 7.448.221,00 KM i tekuća budžetska rezerva planirana je u iznosu od 50.000,00 KM. Kada je riječ o projekciji prihoda i primitaka, rashoda i izdataka oni su manji u odnosu na prvobitni usvojeni Budžet za 2020. godinu u iznosu od nepunih milion i po KM, a kada je u poređenju sa usvojenim Rebalansom Budžeta koji smo usvojili polovinom prošle godine za 2020. godinu, manji je za nepunih 900 hiljada KM. Kao što svi znamo to je prvenstveno posljedica pandemije COVID-19, kao i puno nižih projekcija od PDV-a, s viših nivoa vlasti, a što je dominantan prihod Općine Maglaj. Kada je riječ o strukturi ponuđenog Nacrta Budžeta/Proračuna Općine Maglaj za 2021. godinu, on učestvuje strukturalno sa 79,64 % kao izvorni prihod Općine, a govoreći u apsolutnim brojevima to je iznos od 5.971.621,00 KM, a tekući kapitalni transferi iznose 1.526.600,00 KM ili procentualno 20,36 %. Ispred Službe mišljenja smo da je ponuđeni Nacrt Budžeta/Proračuna Općine Maglaj za 2021. godinu dobra polazna osnova za otvaranje i provođenje javne rasprave. Za sva eventualna pitanja stojimo vam na raspolaganju u odnosu na ono što imamo na raspolaganju. Što se tiče Nacrta ove Odluke vidjeli ste u ponuđenom materijalu, isto tako stojimo na raspolaganju. Što se tiče javne rasprave, kako Vijeće odluči, mi kao Služba smo spremni na provođenje javne rasprave. **Predsjedavajuća Svjetlana Zamboni-Radovanović**, otvaram raspravu. Naravno, ukoliko želite možete iznijeti stav i o samoj Odluci.

Vijećnik Eldin Pehrat, pozdravljam sve prisutne. Evo pošto je ovo prvi put da se obraćam na ovakav način, želim da čestitam kolegicama i kolegama, kao i načelniku na osvojenom mandatu. Nadam se da ćemo svi zajedno raditi za sve, isključivo na dobrobit lokalne zajednice. Dakle, što se tiče prve tačke dnevnog reda, Nacrt Budžeta/Proračuna Općine Maglaj za 2021. godinu, dakle Klub vijećnika SDA je detaljno razmatrao Nacrt Budžeta/Proračuna Općine Maglaj za 2021. godinu i imamo nekoliko sugestija na ponuđeni Nacrt. Krenut ću redom: na strani broj 11, analitički dio 613 400 izdaci za nabavku materijala, predviđeno je 32 hiljade KM. Želimo da se objasni šta se tačno podrazumjeva pod ovim materijalom. Na istroj strani, analitički dio 613 621 da se objasni na kakvu opremu se konkretno misli pod unajmljivanjem opreme za što je predviđeno 7 hiljada KM u Budžetu. Zatim, tražimo da se povećaju planirana sredstva za tekuće održavanje i rekonstrukciju lokalnih i nekategorisanih puteva i gradskih ulica, analitički dio 613 724, tražimo da se

sredstva na ovoj stavci vrata na 420 hiljada KM kako je to bi plan prethodne godine. Na strani broj 12, analitički dio 613 729 za kategoriju sanacija klizišta predviđeno je samo 20 hiljada, pa postavljamo pitanje da li su to sva klizišta na području općine Maglaj sanirana i smatramo da na ovu kategoriju treba planirati utrošak mnogo većih novčanih sredstava?! Stranica broj 12, analitički dio 613 913 za usluge javnog informisanja, odnosa s javnošću, reportaže i reemitovanja sjednica Općinskog vijeća, održavanje postojeće web stranice i druge medijske usluge predviđeno je 62 hiljade KM. Naš prijedlog je da se sve ove usluge raščlane, odnosno da imamo uvid u to koliko se na koju od ovih usluga planira utrošiti. Stranica broj 12, analitički dio 613 914 usluge reprezentacije, dakle da li se mogu dobiti informacije koliko je od planiranih sredstava iz 2020. godine utrošeno i da li je zaista u periodu pandemije COVID-19 potrebno utrošiti 18 hiljada na troškove reprezentacije? Na stranici broj 13, analitički dio 613 952 za usluge izrade projektno-tehničke dokumentacije i usluge nadzora predviđeno je samo 64 hiljade KM. Dakle, inzistiramo da se sredstva za ovu namjenu planiraju u iznosu kako je to bilo rebalansom Budžeta iz 2020. godine, neposredno prije izborne kampanje. Da li ova cifra od 64 hiljade KM znači da nama projekti ne trebaju, da nemamo ideja il šta već?!

Predsjedavajuća Svjetlana Zamboni-Radovanović, nemate prijedlog sa kojih stavki bi se skidala određena sredstva i prebacivala na neka druga. Imate? Uredu. Dakle, raspravljamo o Nacrtu, a znamo da u pravilu u Nacrtu svoje prijedloge dajemo u periodu javne rasprave i to pismeno. Period javne rasprave je period kada možemo ukazivati na određene promjene na Nacrt Budžeta, pa da to partije imaju i na umu.

Vijećnik Adis Abdurahmanović, želim nam svima danas efikasan rad. Ja ću se nadovezati na kolegu Pehrata i nastaviti. Na stranici 14, analitički dio 613 991 stavka ostale nespomenute usluge, planiran je iznos od 15 hiljada KM. U poređenju sa prethodnim planovima, sredstva za ovu stavku su uvećana za 357 %. Postavljamo pitanje, šta sve ulazi u kategoriju ostale nespomenute usluge i zašto je ovaj broj drastično uvećan u odnosu na prošlu godinu? Na stranici 15, tekući transferi mjesnim zajednicama za redovan rad, planirana su sredstva u iznosu od 30 hiljada KM. Smatramo da su ovo nedovoljna sredstva za rad, kada uzmemo u obzir broj mjesnih zajednica na području općine Maglaj. Također, da li je moguće da se za zimsko održavanje nekategorisanih puteva u mjesnim zajednicama planira izdvojiti iznos od samo 2 hiljade KM? Jesu li to opredijeljena sredstva samo za neke puteve ili, mislim jasno da se izazvalo nezadovoljstvo kod ljudi prethodnih godina kada se izdvajalo 6 hiljada KM?! Šta treba da očekujemo sa planiranih 2 hiljade KM? Na stranici 19, analitički dio 104, za javne ustanove, Dječiji vrtić planirano je 186.086,00 KM. S obzirom na to da imamo informaciju da je mnogo roditelja nezadovoljno uslugom koju pruža ova javna ustanova, planiramo da se istoj umanj finansiranje iz Budžeta za 50 %. Na taj način bi pojedini privatni vrtići postali konkurentni. A isto tako, ujedno i rukovodstvo javne ustanove bi napokon menadžerski počelo razmišljati i djelovati. Dalje, zanima nas šta je bio kriterij za raspodjelu za privatne predškolske ustanove, u čemu je razlika između PPU „Dječiji osmijeh“ i PPU „Maglajska mala raja“? Također, tražimo da se povećaju sredstva za sport, odnosno omladinski sport sa 160 hiljada KM na 240 hiljada KM što je i bilo planirano u 2020. godini. Naravno, ukoliko uobzirite u nekom roku ćemo dostaviti i pismeno s kojih stavki ćemo skinuti.

Vijećnik Edin Salatović, nadovezat ću se na kolegu Adisa i iznijeti znači stav Kluba vijećnika SDA. Na stranici 20, analitički dio 613 324 za kategoriju boračkih udruženja građana, transferi za finansiranje programa i projekata udruženja i organizacija boračke

populacije predviđeno je 40 hiljada KM. Ovdje tražimo da se raščlane boračka udruženja i da imamo uvid koliko će svako od njih dobiti, a isto to važi i za civilna udruženja građana. Pošto nemamo pojedinačno o svakom boračkom i civilnom udruženju, naš Klub vijećnika je zaprimio jednu inicijativu od predsjednika Udruženja Bošnjaka Čobe „Sa tekbirom put spasa 98“ da se i ovo udruženje koje je formirano, da se ne zaboravi progon Bošnjaka sa novošeherskog i bradičkog kraja 1993.godine uvrsti u udruženja koja se finansiraju iz Budžeta Općine Maglaj. Zatim na strani 21, analitički dio 119 za sufinansiranje javne kuhinje, predviđeno je samo 20 hiljada KM. Ovo je jako osjetljiva kategorija i na ovoj poziciji sredstva trebaju ostati u najmanju ruku iz 2020. godine tačnije 40 hiljada KM. A eventualno smanjenje na ovoj poziciji je moguće samo u slučaju smanjenog broja korisnika. Nažalost broj korisnika javne kuhinje je sve veći i zbog toga ne smijemo smanjivati sredstva sa ove pozicije. Na stranici 22, analitički dio 614 414 tj.sufinansiranje projekata u biljnoj, animalnoj i poljoprivrednoj proizvodnji, poticaj u animalnoj i biljnoj proizvodnji za 2021.godinu je 195 hiljada KM. Dakle, rebalansom Budžeta sredstva za ovu namjenu su povećana na 280 hiljada KM, a sada se vraća na 195 hiljada KM. Postavlja se pitanje je li to učinjeno zbog predizborne kampanje il nam je stvarno stalo do poljoprivrede? Pošto virus još postoji i stanje se još uvijek nije normalizovalo. Zašto onda smanjujemo pomoć poljoprivrednicima, ako se rebalansom Budžeta upravo radilo na povećanju sredstava za ovu namjenu? Tražimo da se na ovu poziciju vrati iznos planiran rebalansom Budžeta, te tražimo informaciju kakva je bila realizacija ove stavke u 2020.godini. Isto tako za podršku subjektima pogođenim epidemijom nisu opredjeljena nikakva sredstva.

Vijećnik Jasmin Begić, ja bih samo rezimirao ovo što su moji prethodnici kazali, tako da ćemo u pisanoj formi dostaviti Vijeću i Službi sa kojih stavki bi mi skinuli sredstva i ubacili na ovo. Također bih ja dodao, da u Nacrtu Budžeta nigdje nije previđeno za pomoć privredi. Svjesni smo toga da svaki dan se odjavljuju radnici, zatvaraju radnje i svjesni smo u kakvom je stanju Budžet Maglaja. Tako da ja predlažem da se u Nacrt Budžeta uvrsti iznos od 200 hiljada KM za subvencioniranje kamata malim privrednicima. Samo ću malo da pojasnim šta bi se s time dobilo. Napraviti neki ugovor kao što su u mnogim gradovima napravili sa bankama. Tako da bi mali privrednici dizali kredit bez kamata i oni ga vraćali, a iznos od 200 hiljada KM bi se uplaćivalo bankama na račun te kamate koju bi trebali da plate privrednici. Ja mislim da su to uradile sve općine od Visokog, Sarajeva, Breze, da ne nabrajam dalje. Tako da bi to bila dobra stvar i pomoć sigurno malim privrednicima. Svi vidimo u gradu u kakvom su stanju. Također, drugi prijedlog se odnosi na privredu. Znamo za kupovinu zemljišta za industrijske zone u Maglaju. I nije samo u Maglaju u svim gradovima BiH dolaze sredstva sa višeg nivoa upravljanja. Tako bih ja predložio da se industrijskoj zoni Misurići sa desne strane Binga do Alu Wood hale, da se dio zemljišta predvidi ovim Budžetom da se otkupi i kad dođe investitor da ima spremno zemljište za gradnju. Moje informacije govore da Bingo ima namjeru da se proširi sa desne strane, da ide u proizvodnju prehrane, a znamo tu da ima četiri, pet vlasnika tih parcela, tako da bi se ubrzala procedura za davanje određenih građevinskih dokumenata.

Predsjedavajuća Svjetlana Zamboni-Radovanović, konkretno za Budžet? Šta se odnosi to na Budžet?

Vijećnik Jasmin Begić, odnosi se to znači da se predvidi Nacrtom otkupljivanje zemljišta, a taj iznos dolazi sa viših nivoa upravljanja. Ubrzalo bi se izdavanje dokumenata, papira.

Vijećnik Mustafa Bešić, želio bi da čestitam novom sazivu Vijeća, želim vam sretan rad, a novom/starom načelniku da nas vodi isto kao prethodne četiri godine. Što se tiče Nacrta Budžeta za 2021.godinu, stranka SBB će to podržati. Mi nećemo sad puno iznositi, pošto je Nacrt Budžeta. Evo kolegica iz Službe je iznijela stvari da je Budžet smanjen za 900 hiljada KM. Realno je u ovoj situaciji gdje je korona virus obuhvatio čitav svijet, nije obišao ni BiH, a pogotovo Maglaj. Realno je da se u ovom slučaju postavbe sredstva onoliko koliko se planira. Nerealno je bilo kao prethodnih godina da se to postavi, pa ne ispuni. Znači trebamo ići, ono što imamo da ponudimo. Ne možemo ponuditi ono što nemamo.

Vijećnik Senad Šehić, poštovana predsjedavajuća, poštovana dopredsjedavajuća, uvaženi načelnice, dragi vijećnici, sve vas srdačno pozdravljam. Kada je u pitanju stav Kluba vijećnika SDP-a, mi ćemo podržati ovakav Nacr Budžeta/Proračuna za 2021.godinu. Pred nama je teška godina i ovo je naša realnost. Nacrt Budžeta od 7.498.221,00 KM predstavlja realan iznos shodno korekcijama punjenja Budžeta. Pad poslovne aktivnosti, negativne posljedice COVID-19 su se odrazile na sve stavke poreznih i neporeznih prihoda. Uvažavajući činjenicu da okosnicu prihoda Budžeta/Proračuna Općine Maglaj čine prihodi od indirektnih poreza koji zauzimaju 34,04 %, te zvaničnim projekcijama Federalnog ministarstva finansija i Uprave za indirektno oporezivanje ovih prihoda u narednom periodu gdje se bilježi pad, opravdanost za Budžet u ovom iznosu je više nego jasan. U predloženom Nacrtu smanjene su projekcije poreznih i neporeznih prihoda negativnim efektima koronavirusa. Također, ne možemo zaboraviti ni činjenicu, da je Općinsko vijeće u toku 2020.godine usvojilo set mjera podrške privredi, prema kojima je privredne subjekte koji su naredbama Federalnog štaba civilne zaštite imali privremenu zabranu obavljanja djelatnosti. Shodno dužini trajanja naredbi, umanjene su obaveze po osnovu direktnih općinskih prihoda, a koje su pravna lica u obavezi plaćati. To su prije svega komunalna taksa na istaknutu firmu, komunalna naknada, taksi stajališta, zakup bašti. Evidentno je smanjenje na većini stavki, ali isto tako važno je uočiti nastojanje općinske administracije na čelu sa načelnikom općine da izdaci, transferi iz Budžeta namjenjeni za socijalne kategorije stanovništva, učenike i studente, poticaj natalitetu i vantjelesnoj oplodnji, Start up, u velikoj mjeri su ostali na nivou plana prethodnih godina. Mi ćemo kao Klub SDP-a svakako svoje prijedloge i sugestije iznijeti na javnim raspravama u cilju što kvalitetnijeg Budžeta.

Načelnik općine Mirsad Mahmutagić, koristim se prilikom da vas sve srdačno pozdravim, poseban pozdrav našim uvažanim damama u rukovodstvu Općinskog vijeća. Ja ću vrlo kratko, nemam potrebe da elaboriram sve što se ovdje potezalo. To ćemo vidjeti kroz javnu raspravu i kroz sam Prijedlog Budžeta. U suštini vam mogu reći da su vam želje male, moje su puno veće, ali nažalost mogućnosti Budžeta za ovu godinu su takve kakve jesu. Preko 600 hiljada je projekcija Budžeta manja nego rebalansom, a skoro milion i po od Budžeta koji je bio predviđen za 2020.godinu. Neke stvari ovdje koje su se potezale od opozicija, razumijem, opozicija tako djeluje, ok i ne želim ih ovdje aposlutno elaborirati. Samo bih dao odgovor na dvije tri stvari koje su ovdje pogrešno interpretirane da ne bi javnost bila zbunjena tim podacima. Da li su interpretirane iz neznanja ili loše namjere, otom potom nek procijene. Dakle, sredstva predviđena za poljoprivredu su prethodnih godina iz Budžeta Općine Maglaj iznosila oko 190 ili 192 hiljade KM. Ove godine je predviđeno 195 hiljada KM. Sredstva koja ste vidjeli u rebalansu u iznosu od 280 hiljada KM su sredstva koja smo dobili sa viših nivoa vlasti i mi dodali svoja sredstva. Ove godine, mi ta sredstva nemamo odobrena u ovom

trenutku. U junu mjesecu kada smo radili rebalans smo imali ta sredstva odobrena i zato su ušla u Budžet. Ako budu tokom godine određena sredstva namjenska i doznačena za poticaj poljoprivrede, ona će biti na ovoj stavci i bit će pridodana iznosu od 195 hiljada KM. S druge strane, također iznesen netačan podatak da zemljište za privredne zone plaćamo sredstvima viših nivoa. Ne, to su sredstva iz Budžeta Općine Maglaj. Tim sredstvima smo plaćali zemljište u Misurićima i zemljište u Liješnici i ko želi da provjeri, može vidjeti koliko je sredstava utrošeno u nabavku zemljišta proteklih nekoliko godina, a koliko smo prodali. Na posljednjoj sjednici Općinskog vijeća, čini mi se u oktobru sam iznio podatak da je nabavljeno zemljišta u vrijednosti u cca 450 hiljada, a prodano u vrijednosti od 150 hiljada. Otprilike tri puta više, barem u novčanoj vrijednosti je nabavljeno nego što je prodano. Što se tiče ostalih ideja, nabavka zemljišta, kupovina od privatnih lica, mi bi na taj način izdvojili sredstva iz Budžeta zarobili sredstva tamo i čekali kada će se pojaviti potencijalni investitor i kome bi mi produžili proces nabavke. Jer puno je lakše nabaviti zemljište od fizičkog lica, nego čekati proces licitacije od Općine. I evo konkretno za zemljište koje je pomenuto tamo kod Binga, ja očekujem ovih dana, već sam izlazio i pokazivao određenim licima za jednu kompaniju europsku, da li će se to ostvariti, vidjet ćemo. Ako se to ostvari, dobro i jest. Što se tiče ostalih špekulativnih reprezentacija, medijskih, klizišta, to ćete imati sve u izvršenju Budžeta, pa ćete tada imati informaciju.

Vijećnik Eldis Kusur, znači pošto je načelnik rekao da li smo to iznijeli iz neznanja ili iz neke loše namjere. Nismo to zaista načelniče iznijeli iz neznanja ili iz neke loše namjere. Nego, postavili smo pitanje, interesuje nas, Vi ste nam dali odgovor i uredu. Znači dali ste odgovor i to je to.

Predsjedavajuća Svjetlana Zamboni-Radovanović, nadam se da su vijećnici zadovoljni na odgovorima koji su im ponuđeni. Naš je zadatak da se izjasnimo o Nacrtu i da odredimo rok provođenja javne rasprave. Načelnik u svom izlaganju nije predložio, kao ni šefica. Šta mislite gospođice Alibajraktarević koji je to rok?

Senada Alibajraktarević, evo znači već smo na početku februara 2021.godine. Kao što svi znamo, usvojili smo Odluku o privremenom finansiranju koja je ističe 31.marta. U obavezi smo da usvojimo Budžet/Proračun Općine Maglaj za 2021. do tog perioda. Možda neki rok ispred Službe za provođenje javne rasprave, možda tri sedmice sve, da imamo dovoljno vremena. Može i petnaest.

Predsjedavajuća Svjetlana Zamboni-Radovanović, svjesni smo da imamo mjere koje su na snazi. Svi prijedlozi moraju biti dostavljeni u pisanoj formi na Službu, a sam način provođenja, vi ćete sami.

Senada Alibajraktarević, naravno uz provođenje higijensko-epidemioloških mjera, obzirom na COVID-19.

Predsjedavajuća Svjetlana Zamboni-Radovanović, dakle prijedlog Službe je da se javna rasprava provede u roku od petnaest dana kako bi imali dovoljno vremena da sačine prijedlog, a da ispoštujemo ovu Odluku o privremenom finansiranju.

KLUB SDA PAUZA

Ko je za?

Z A K L J U Č A K

- 1.1. Usvaja se Nacrt Budžeta/Proračuna Općine Maglaj za 2021.godinu;
- 1.2. Da se javna rasprava provede u roku od 15 dana;

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Ferić (DF), Pero Mamić (HDZ), Aida Bašić (A-SDA),

GLASALO PROTIV: Adis Abdurahmanović, Jasmin Begić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

2. Izvještaj o izvršenju Budžeta/Proračuna Općine Maglaj za period 01.01. - 30.06.2020.godine;

Otvaram raspravu.

Vijećnik Jasmin Begić, iz materijala koji je dostavljen Klubu vijećnika SDA za šest mjeseci malo toga je urađeno. Procentualno skoro ništa. Tako da se vidi tačno da su određena sredstva smišljeno akumulirana za drugu polovinu 2020. tako da se dio koji ćemo vidjeti sigurno u sljedećem izvršenju Budžeta akumulirana sredstva se koristila najvjerojatnije za kampanju koja je bila pred izbore. Tako da mi ovakav Izvještaj nećemo podržati.

Prisutan Elvir Vehabović.

Načelnik općine Mirsad Mahmutagić-replika, moram reagovati opet neznanje ili zla namjera. Pogledajte izvršenje Budžeta pa vidite u kakvom je stanju Budžet za šest mjeseci protekle godine, pa onda vidite je li nešto akumulirano. To je jedna stvar. Popratite Budžete ranijih godina pa vidite stepene realizacije za prvi mjesec. A volio bi da mi obasnite kako je moguće akumulirati sredstva za kampanju? Nije mi to jasno, ako su se Ugovori i tenderi raspisivali u martu mjesecu i ako nismo realizovali rebalansirani Budžet. Ni on nije ispunjen. Bacate bombe koje nemaju veze s logikom.

Zaključujem raspravu i dajem na glasanje

Z A K L J U Č A K

- 2.1. Usvaja se Izvještaj o izvršenju Budžeta/Proračuna Općine Maglaj za period 01.01. - 30.06.2020.godine.

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana

Zamboni-Radovanović (SDP), Mustafa Bešić (SBB), Hajrudin Ferić (DF), Elvir Vehabović (NBL), Pero Mamić (HDZ), Aida Bašić (A-SDA),
GLASALO PROTIV: Adis Abdurahmanović, Jasmin Begić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

3. Nacrt Odluke o izvršavanju Budžeta/Proračuna Općine Maglaj za 2021.godinu;

Otvaram raspravu.

Vijećnik Eldin Pehrat, samo želim reći da Klub vijećnika SDA ne prihvata ovakav Nacrt Odluke o izvršavanju Budžeta/Proračuna Općine Maglaj za 2021.godinu i slažemo za ovaj period od 15 dana i mi ćemo u tom periodu dostaviti svoje prijedloge.

Zaključujem raspravu i dajem na glasanje

ZAKLJUČAK

3.1. Usvaja se Nacrt Odluke o izvršavanju Budžeta/Proračuna Općine Maglaj za 2021.godinu.

GLASALO ZA: Elvir Arnautović, Mirza Bradarić, Fikret Delić, Jasmin Đuhara, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Ferić (DF), Elvir Vehabović (NBL), Pero Mamić (HDZ), Aida Bašić (A-SDA),

GLASALO PROTIV: Edin Salatović, Maid Suljaković (SDA).

GLASALO UZDRŽANO: Jasmin Begić, Eldis Kusur, Adis Abdurahmanović, Eldin Pehrat, Edin Osmić i Safet Jašić.

4. a) Periodični finansijski izvještaj o izvršenju Budžeta/Proračuna Općine Maglaj za period 01.01. – 30.06.2020.godine.

b) Periodični finansijski izvještaj o izvršenju Budžeta/Proračuna Općine Maglaj za period 01.01. - 30.09.2020.godine;

Otvaram raspravu.

Vijećnik Eldis Kusur, ja ću se osvrnuti i na tačku a i na tačku b. Znači, Klub vijećnika razmatrajući materijal po tački Periodični finansijski izvještaj o izvršenju Budžeta/Proračuna Općine Maglaj za period 01.01. – 30.06.2020.godine i Periodični finansijski izvještaj o izvršenju Budžeta/Proračuna Općine Maglaj za period 01.01. - 30.09.2020.godine, ovdje smo uvidjeli da znatno sredstava došlo sa viših nivoa, to jest sa federalnog i kantonalnog. Naravno po redoslijedu Služba, tj. Općina Maglaj je vršila pravdanje prema višim nivoima. Drago nam je što viši nivoi su učestvovali u sufinansiranju određenih projekata na području općine Maglaj, jer stvarala je se slika, nije iz neznanja i nije iz nečitanja materijala da viši nivoi, zato što je po vertikali SDA, oni opstruišu rad sredina gdje je načelnik iz reda druge stranke. Tako

se iz ovih materijala vidi da su ta sredstva dolazila s viših nivoa i da se to uredno pravdalo ka višim nivoima. Iz tog stanovišta Klub vijećnika SDA neće podržati Periodični izvještaj koji je ponuđen.

Zaključujem raspravu.

Dženana Hadžiedhemović, sve vas srdačno pozdravljam. Ja bih samo da objasnim. Periodični izvještaj općine dostavljaju kantonalnim ministarstvima. Znači Općinskom vijeću se dostavlja samo kao informacija. Vijeće niti usvaja niti raspravlja o tome. Vi primete samo k znanju. Mi imamo i tumačenje Federalnom ministarstvu finansija, zakon je tu, eto tako.

Vijećnik Eldis Kusur-replika, možda ću biti dosadan, ovo je dokaz kada je kolega Jasmin Begić rekao da je dnevni red preobiman. Vi znate da se Izvještaj usvaja, trebala nam je doći informacija, razumijem Službu, ali je trebalo tačku dnevnog reda staviti kao informaciju i onda po a i b staviti ovo.

Predsjedavajuća Svjetlana Zamboni-Radovanović, uz objašnjenje Službe, ove informacije se primaju k znanju.

Z A K L J U Č A K

4.1. Prima se k znanju Periodični finansijski izvještaj o izvršenju Budžeta/Proračuna Općine Maglaj za period 01.01. – 30.06.2020.godine;

4.2. Prima se k znanju Periodični finansijski izvještaj o izvršenju Budžeta/Proračuna Općine Maglaj za period 01.01. - 30.09.2020.godine;

5. Dokument okvirnog Budžeta/Proračuna 2021 – 2023.godine;

Otvaram raspravu.

Vijećnik Maid Suljaković, poštovani prisutni sve bih vas srdačno poselamio i pozdravio. Kada je u pitanju 5.tačka Dokument okvirnog Budžeta/Proračuna 2021 – 2023.godine, obzirom da bi ovaj dokument trebao biti u nekakvoj koleraciji sa planom Budžeta za 2021.godinu, Klub vijećnika SDA je razmatrao ovaj dokument i usaglasili smo se da on uopće nije u skladu sa Nacrtom Budžeta. Navest ćemo samo jedan primjer, u pregledu prioriteta u ovom dokumentu navodi se provođenje usvojenih mjera podrške privrednim subjektima u uslovima pandemije COVID-19, dok u Nacrtu Budžeta za 2021.godinu nisu opredjeljena nikakva sredstva. Zbog nerealnosti i neusaglašenosti ova dva dokumenta, Klub vijećnika SDA, isti neće moći podržati.

Dženana Hadžiedhemović, kao i Periodični izvještaj i Dokument okvirnog Budžeta Vijeće prima samo kao informaciju. Šefica je na samom početku rekla da načelnik usvaja zaključno sa 30.06. Što se tiče neusklađenosti o kojima kolega Maid govori, Dokument okvirnog Budžeta/Proračuna je u skladu sa zakonom rađen zaključno sa 30.06., a Nacrt Budžeta evo radimo danas. Tako da dokument su iznesene projekcije prihoda koje smo mi dobili od Federalnog ministastva finansija u maju mjesecu, koje su kasnije revidirane u oktobru. Tako da to dvoje ne može biti usklađeno, obzirom da radimo Nacrt evo već u 2021. godini. To su te razlike.

Zaključujem raspravu i konstatujem

ZAKLJUČAK

5.1. Prima se k znanju Dokument okvirnog Budžeta/Proračuna Općine Maglaj 2021 – 2023.godine

6. Operativni budžetski kalendar za izradu i donošenje Budžeta/Proračuna Općine Maglaj za fiskalnu 2022. godinu;

Otvaram raspravu.

Vijećnik Eldin Pehrat, dakle što se tiče 6.tačke, s obzirom da se radi ovdje o zakonskoj proceduri, Klub vijećnika SDA će prihvatiti ovaj Operativni budžetski kalendar za izradu i donošenje Budžeta/Proračuna Općine Maglaj za fiskalnu 2022. godinu.

Zaključujem raspravu i dajem na glasanje

ZAKLJUČAK

6.1. Usvaja se Operativni budžetski kalendar za izradu i donošenje Budžeta/Proračuna Općine Maglaj za fiskalnu 2022. godinu.

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Fermić (DF), Elvir Vehabović (NBL), Pero Mamić (HDZ), Aida Bašić (A-SDA), Adis Abdurahmanović, Jasmin Begić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

7. Odluka o privremenoj izmjeni i dopuni Odluke o komunalnim taksama općine Maglaj;

Predsjedavajuća Svjetlana Zamboni-Radovanović, na kratkoj sjednici Kolegija izneseno je obrazloženje zašto je potrebno donijeti ovu Odluku.

Načelnik općine Mirsad Mahmutagić, vi znate da smo mi 30.decembra donijeli novu Odluku, u međuvremenu Porezna po toj novoj Odluci radi svoj posao. Na njihovu inicijativu smo predložili samo za ovu godinu da se izvrši izmjena datuma do kojeg privredni subjekti mogu podnijeti prijavu za komunalnu taksu i to je 15.mart 2021.godine. Ovo je samo umjesto do 31.januara do kad je bila obaveza, prolongiramo 15.mart, tako da nikome neće biti računane nikakve kamate. 15.marta se to završava. Vrijedi samo za 2021.godinu.

Vijećnik Arif Mujkanović nije prisutan u kino sali.

Predsjedavajuća Svjetlana Zamboni-Radovanović, obrazloženje je konkretno i jasno, ko je za?

ZAKLJUČAK

7.1. Usvaja se Odluka o privremenoj izmjeni i dopuni Odluke o komunalnim taksama općine Maglaj.

GLASALO ZA: Elvir Arnautović, Mirza Bradarić, Fikret Delić, Jasmin Đuhara, Samir Fetić, Firuz Galijašević, Mirza Mešić, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Fermić (DF), Elvir Vehabović (NBL), Pero Mamić (HDZ), Aida Bašić (A-SDA), Adis Abdurahmanović, Jasmin Begić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

8. Program rada Načelnika općine i općinskih službi Općine Maglaj za 2021. godinu;

Otvaram raspravu.

Vijećnik Jasmin Begić, htio sam samo da predlagač ovog dokumenta izađe, pojasni neke stvari, tako da moje izlaganje neće biti potrebno kada dobijem pojašnjenja o Programu rada Općinskog načelnika, pa bih ga pozvao da nam objasni dileme.

Predsjedavajuća Svjetlana Zamboni-Radovanović, ne zna koje su Vam dileme, kako će objasniti. Zato kažem možda je bolje da navedete.

Vijećnik Jasmin Begić, hajd navest ću samo neke. Za turizam je stavljeno znači inicirati će se rad, turizam u tom periodu u visini od, kako će se inicirati, kada je predviđeno za turizam samo 5 hiljada KM. Sa 5 hiljada KM znamo da ne možemo inicirati ništa. Analitički dio 613 991. Ili za, nigdje nema nekih aktivnosti vezano za pandemiju COVID-19, podrška malim i srednjim preduzećima. Ako može to malo decidno, pa ću se kasnije uključiti u raspravu.

Načelnik općine Mirsad Mahmutagić, vrlo kratko. Dakle, kada je u pitanju Program, on je okvirni, nije plan aktivnosti. Planove ćete donositi na narednim sjednicama, kao što je to i ranije bilo. Ovo je okvirni program na kojem se zasniva rad općinski Službi i načelnika općine, veza sa zakonskim normama. Ove dvije dileme, dakle zašto 5 hiljada za turizam. Iniciranje turizma nije samo ulaganje novca u vlastito. 5 hiljada smo stavili da imamo stavku u Budžetu, a novac za te projekte tražimo od različitih organizacija i viših nivoa vlasti kroz projekte. I pokušati naravno ono što razgovaramo sa pojedinim međunarodnim institucijama, neki dan sam imao takvu raspravu i sa predstavnicima OSCE-a, četvrtak ili petak bješe, to su projekti koji bi trebali da uvezuju, perspektiva turizma u BIH, više općina koje uvezuju jednu turističku rutu. Što se tiče COVID-a, mala i velika i sva preduzeća plaćaju poreze višim nivoima vlasti. Porez na dobit višim nivoima vlasti ne Općini Maglaj. Federalna Vlada, kantonalna Vlada, Vijeće ministara je adresa za te svrhe., kao što ste vidjeli i do sada kroz medije, podrška kompanijama je išla kroz te adrese.

Zaključujem raspravu i dajem na glasanje,

ZAKLJUČAK

8.1. Usvaja se Program rada Načelnika općine i općinskih službi Općine Maglaj za 2021. godinu.

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Ferić (DF), Elvir Vehabović (NBL), Pero Mamić (HDZ), Aida Bašić (A-SDA).

GLASALO PROTIV: Adis Abdurahmanović, Jasmin Begić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

9. Prijedlog Programa rada Općinskog vijeća Maglaj za 2021. godinu;

Otvaram raspravu.

Vijećnik Adis Abdurahmanović, Klub vijećnika SDA je zaista ozbiljno pristupio kada je dobio poziv da se Službi uputi prijedlozi za rad Općinskog vijeća, što se može vidjeti u materijalima, da smo jedni od rijetkih koji su dostavili prijedloge. S obzirom na to da naši prijedlozi nisu uokvireni u Program rada, mi ćemo biti protiv. S tim što bih ja pročitao ovdje naše prijedloge.

Predsjedavajuća Svjetlana Zamboni-Radovanović, svim vijećnicima su dostavljeni vaši prijedlozi, svi imaju. A gospođa Hasanić će Vam odgovoriti.

Vijećnik Jasmin Đuhera, pozdravljam sve prisutne. Što se tiče Kluba vijećnika SDP-a, dakle naš stav je da ćemo podržati Prijedlog Programa rada Općinskog vijeća Maglaj za 2021. godinu.

Emina Hasanić, sve vas srdačno pozdravljam. Vezano za Prijedlog Programa rada Općinskog vijeća Maglaj za 2021. godinu, u samom materijalu vidjeli ste da je to prijedlog. Imao je određen rok do kojeg su sve političke partije koje participiraju u Općinskom vijeću, sve Službe imale za obavezu da dostave svoje prijedloge. Činjenica, to je uradila od stranaka samo SDA. Prijedloge koje je dostavila politička stranka, partija SDA je dostavljeno svim vijećnicima. Znači, imali su na uvid. Ovdje vi kao vijećnici, ovo što imate u prijedlogu, to je samo ispred Službi, pored vašeg prijedloga ispred partije, ima prijedlog Centra civilnih inicijativa. Svi vijećnici ste dobili i taj materijal. Na vama je ovdje da ga danas usvojite ili ne usvojite, prijedlog dat ispred Službe uz prijedlog koji ste vi dostavili i Centar civilnih inicijativa. Vi danas ovdje usaglašavate ovaj Program za 2021. godinu.

Predsjedavajuća Svjetlana Zamboni-Radovanović, ovo što se tiče revizije Općine, ovo je prijedlog i načelnika općine da se izvještaj obavezno uvrsti. To će doći nekada sredinom godine kao Izvještaj.

Vijećnik Adis Abdurahmanović, zahvaljujem se gospođi na obrazloženju, međutim to je više nego jasno da mi ovdje raspravljamo, međutim nisu uobzireni. Evo ja predlažem, pošto danas usvajamo da vijećnici danas raspravljaju o prijedlozima SDA koji nisu, imaju svoju svrhu zašto su predloženi. Jeste sigurni da su svi vijećnici pročitali sve prijedloge. Ja smatram i imam pravo da pročitam sve prijedloge. Ja zahtjevam, naše prijedloge, da bi ljudi znali izjasniti se, protiv-protiv. Nikakav problem. Prvi: informacija o rješavanju po zahtjevu

Medžlisa Islamske zajednice Maglaj, znači informacija za povrat vakufske parcele Vrhpolje i Podborik. Svim građanima općine Maglaj je poznata dugogodišnja borba Medžlisa Islamske zajednice Maglaj za povrat parcela kojim je po zakonu pripadaju. S obzirom na to da su sudske odluke postale pravosnažne i kao takve obavezujuće, a da općinska administracija ne reaguje, smatramo da bi vijećnici u Općinskom vijeću trebali u najmanju ruku barem da imaju zvaničnu informaciju o ovom predmetu. Dva: stanje privrede u periodu pojave korona virusa, prijedlozi pomoći malim privrednicima. Tri: izvještaj o radu Komisija Općinskog vijeća i stalnih radnih tijela Općine Maglaj za 2020.godinu. Četiri: izvještaj o radu Općinske komisije za procjenu, prometne vrijednosti nekretnina za period 2016-2020. Pet: odluke o naplati prikupljanja otpada za pravna i fizička lica. Šest: prijedlog izrade projektne dokumentacije za izgradnju kanalizacione mreže u naseljenom mjestu Jablanica. Sedam: informacija o zapošljavanju u Jedinostvenom Organu uprave Općine Maglaj, javnim ustanovama i javnim preduzećima kojim je osnivač Općinsko vijeće. Osam: informacija o utrošku i dodjeli sredstava za pomoć boračkim populacijama i jednokratne pomoći građanima općine Maglaj iz sredstava Budžeta ZDK i Budžeta Općine. Devet: informacija o stanju sigurnosti, klizišta i socijalnog stanja stanovništva.

Predsjedavajuća Svjetlana Zamboni-Radovanović, manje više, sve što ste Vi pročitali dolazi u redovno dolazi na sjednice. Od izvještaja, informacija, što ste spominjali, kada bude izvještaj o radu Općinskog vijeća, imat ćete izvještaj o radu Komisija, kao što je do sada bilo u prethodnom sazivu. Znači da ima sve to, ne vidim zašto izdvajate dijelove izvještaja kao odvojenu tačku dnevnog reda. Dalje, u svom izlaganju gospođa Hasanić je rekla da je ovo prijedlog Programa rada, samim tim to nije ništa zakovano i nije rečeno da se određena problematika sa područja općine Maglaj neće moći razmatrati zato što to nameće potreba i vrijeme. Na kraju krajeva postoji nešto što se zove vijećnička inicijativa, kojom mi možemo pokretati oblasti kakve mi želimo, zakazivati tematske sjednice.

Vijećnik Adis Abdurahmanović, obzirom da su pojedine tačke bile na vijećničkim inicijativama i oglušilo se na njih, mi smo stavili ovdje.

Zaključujem raspravu.

Vijećnik Jasmin Begić, imam ja.

Predsjedavajuća Svjetlana Zamboni-Radovanović, ne možete se javiti kada zaključim raspravu. Zaključila sam raspravu, što se niste javili u toku rasprave.

Vijećnik Jasmin Begić, ja mislio bit će još neko.

Predsjedavajuća Svjetlana Zamboni-Radovanović, žao mi je što je tako. Javili ste se poslije.

Dajem na glasanje prijedlog Kluba SDA, ko je za proširenje prijedloga Programa rada Općinskog vijeća za navedene tačke koje je pročitao gospodin Abdurahmanović?

GLASALO ZA: Adis Abdurahmanović, Jasmin Begić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

GLASALO PROTIV: Elvir Arnautović, Mirza Bradarić, Fikret Delić, Jasmin Đuhara, Samir Fetić, Firuz Galijašević, Mirza Mešić, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Ferić (DF), Elvir Vehabović (NBL).

GLASALO UZDRŽANO: Pero Mamić (HDZ), Aida Bašić (A-SDA).

Na glasanje stavljam, Centar civilnih inicijativa, na insistiranje načelnika da se uvrsti revizija za posljednji kvartal, nakon što dođe Izvještaj,

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Ferić (DF), Aida Bašić (A-SDA), Pero Mamić (HDZ), Elvir Vehabović (NBL), Adis Abdurahmanović, Jasmin Begić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

GLASALO UZDRŽANO: Safet Jašić (SDA).

Prijedlog Programa rada Općinskog vijeća Maglaj za 2021.godinu sa proširenjem o posljednjem kvartalu stavljam na glasanje

Z A K L J U Č A K

9.1. Usvaja se Programa rada Općinskog vijeća Maglaj za 2021.godinu.

9.2. Da se Izvještaj o reviziji Općine Maglaj za 2020.godinu uvrsti u Program rada Općinskog vijeća za posljednji kvartal 2021.godine.

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Ferić (DF), Aida Bašić (A-SDA), Pero Mamić (HDZ), Elvir Vehabović (NBL).

GLASALO PROTIV: Adis Abdurahmanović, Jasmin Begić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

10. Osnovni zadaci i programska orijentacija za rad Općinskog pravobranioca u 2021.godini;

Otvaram raspravu.

Zaključujem raspravu i stavljam na glasanje

Z A K L J U Č A K

10.1. Usvaja se Osnovni zadaci i programska orijentacija za rad Općinskog pravobranioca u 2021.godini

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Ferić (DF), Aida Bašić (A-SDA), Pero Mamić (HDZ), Elvir Vehabović (NBL).

GLASALO UZDRŽANO: Adis Abdurahmanović, Jasmin Begić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

11. Prijedlog Rješenja o imenovanju komisija Općinskog vijeća kao stalnih radnih tijela

a) Komisija za statutarna pitanja, Poslovnik i propise; b) Komisija za zaštitu ljudskih prava, predstavke i pritužbe građana; c) Komisija za privredu, prostorno uređenje, urbanizam i zaštitu okoliša; d) Komisija za poljoprivredu, vodoprivredu i šumarstvo; e) Komisija za društvene odnose, odnose sa vjerskim zajednicama, boračko invalidska i socijalna pitanja; f) Komisija za obrazovanje, nauku, kulturu i sport; g) Komisija za pitanja mladih i ravnopravnost polova; h) Etička komisija časti; i) Komisija za zaštitu kulturno historijskog i privrednog naslijeđa i turizam; j) Komisija za obilježavanje značajnih događaja i ličnosti iz historije Maglaja; k) Komisija za dodjelu javnih priznanja;

Vijećnik Mirza Bradarić, evo ja ću pošto prvi put danas izlazim, sve srdačno da vas pozdravim. Ja sad ne znam radi vremena, da li ima potrebe čitavu hronologiju, od onog mog dopisa koji sam poslao kao predsjednik Komisije prema svim političkim subjektima da od tada govorim il da kažem da se Komisija u punom sastavu sastala prošle sedmice. Ovo što vi imate sad pred sobom u prijedlogu materijalima to je zajednički stav Komisije po pitanju ove tačke 11. Kada govorimo o stalnim radnim tijelima za ovih u suštini ovih 11 Komisija. Ja moram naglasiti da je svih pet članova Komisije bilo ZA. Po pitanju naredne ove tri Komisije, ja moram naglasiti da su četiri člana Komisije bili ZA, jedino je kolega Kusur bio suzdržan. Prema tome, ovo što imate, ovo nije zvaničan prijedlog Mirze Bradarića kao predsjednika Komisije, nego je ovo cjelokupan prijedlog koji je došao ispred Komisije i takav ću vas ja zamoliti da ide na glasanje. Ako šta bude trebalo detaljnije, pitajte, ja ću sa zadovoljstvom odgovoriti.

Otvaram raspravu.

Vijećnik Edin Osmić, ja vas sve pozdravljam. Što se tiče ovog Prijedloga Rješenja komisija, Klub vijećnika traži da se o svakoj komisiji diskutuje i glasa pojedinačno, te da se glasa o njegovom prijedlogu. Ukoliko se bude glasalo za sve komisije u paketu, a s obzirom na to da je naš prijedlog za Komisiju za privredu, prostorno uređenje, urbanizam i zaštitu okoliša bio Maid Alispahić i da je on jedini koji nije uvažen, Klub vijećnika će biti uzdržan.

Predsjedavajuća Svjetlana Zamboni-Radovanović, dakle prvi izneseni Prijedlog je bio prijedlog Komisije za izbor i imenovanja, a to je sastav svih Komisija odnosno Prijedlog Rješenja o imenovanju komisija Općinskog vijeća kao stalnih radnih tijela, što izuzima ovo što ste Vi kazali gospodine Osmiću.

Vijećnik Mirza Bradarić, o tome smo razgovarali kad smo imali sastanak Komisije, ja bih ako to mogu reći narodski, ne možete nikad litru u polovku strpati. Zaista, evo ja imam ovdje prijedloge svih političkih subjekata i da vam iskreno kažem, mnogi nisu uvršteni ovdje. Ovdje je bilo maltene preko 200, ajmo reći prijedloga, a broj članova u Komisijama je toliko. Ako je samo zbog toga, izjasnit ćemo se o tome, mi imamo stav Komisije, ovo nije lični stav.

Vijećnik Jasmin Begić, ja ne znam zašto obazirete se samo na ovu Komisiju za privredu. Svi znamo u kakvom nam je stanju privreda. I jako dobro se vidi kako je Komisija radila. Zašto se ponovo imenuju ljudi koji su bili u sastavu te Komisije, a svjesni smo toga da nisu ništa

uradili?! A da se jedan arhitekta koji je priznat i poznat u čitavoj BiH, ne stavi kao neki član, umjesto neću sada govoriti koga.

Zaključujem raspravu i stavljam na glasanje prijedlog Komisije,

Z A K L J U Č A K

11.1. Donose se Rješenja o imenovanju komisija Općinskog vijeća kao stalnih radnih tijela od a) do k)

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Ferić (DF), Aida Bašić (A-SDA), Pero Mamić (HDZ), Elvir Vehabović (NBL).

GLASALO UZDRŽANO: Adis Abdurahmanović, Jasmin Begić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

12. Prijedlog Rješenja o imenovanju;

a) Komisije za procjenu prometne vrijednosti nekretnina; b) Komisija za utvrđivanje tržišne vrijednosti na imovinu, naslijeđe i poklon; c) Drugostepena stručna komisija;

Ko je za sastave ovih Komisija?

Z A K L J U Č A K

12.1. Donose se Rješenja o imenovanju Komisije za procjenu prometne vrijednosti nekretnina, Komisije za utvrđivanje tržišne vrijednosti na imovinu, naslijeđe i poklon i Drugostepene stručne komisije.

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Ferić (DF), Aida Bašić (A-SDA), Pero Mamić (HDZ), Elvir Vehabović (NBL).

GLASALO PROTIV: Jasmin Begić, Safet Jašić (SDA).

GLASALO UZDRŽANO: Adis Abdurahmanović, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

13. Prijedlog Odluke o pristupanju djelimičnoj izmjeni Regulacionog plana „Centar Maglaj – južni dio“, po zahtjevu ALU WOOD INŽINJERING d.o.o. Maglaj;

14. Prijedlog Odluke o pristupanju djelimičnoj izmjeni Regulacionog plana „Maglaj centar – južni dio“, po zahtjevu DŽINO PETROL d.o.o. Maglaj;

15. Prijedlog Odluke o pristupanju djelimičnoj izmjeni Regulacionog plana „Kosova“ – po zahtjevu DŽINO PETROL d.o.o. Maglaj;
16. Prijedlog Odluke o pristupanju djelimičnoj izmjeni Regulacionog plana „Centar Maglaj-sjeverni dio“ po zahtjevu „EURO MEAT“ doo Maglaj;

Nedžad Ćatić, pozdravljam sve prisutne. Djelimična izmjena Regulacionog plana u globalu znači izmjena Regulacionog plana određene lokacije koja ide na isti način kao i donošenje samog Regulacionog plana. Izmjenom Regulacionog plana postoji redovan i skraćeni postupak. U redovnom postupku donosi se Odluka o pristupanju na Općinskom vijeću, nakon toga Općina Maglaj raspisuje tender gdje se izabere izvođač radova koji u redovnoj proceduri uradi prednacrt plana koji dostavlja općinskoj administraciji. Administracija izvrši uvid da li ima primjedbi, vraća ponovo izvođaču radova. On uradi Nacrt Regulacionog plana koji ide na Općinsko vijeće. Taj Nacrt upućuje na javni uvid i javnu raspravu, nakon čega se ponovo radi prijedlog izmjene Regulacionog plana i ide na Općinsko vijeće koji razmatra taj prijedlog. Ovdje imamo četiri. Prvi prijedlog je po zahtjevu ALU WOOD INŽINJERING d.o.o. Maglaj, koji je došao u Službu još prošle godine i on je bio od marta još u proceduri Općinskog vijeća. Isto tako zbog obimnosti tačaka uvijek se on i neki materijali skidali. Tako da je nakon godine dana došao na sjednicu Općinskog vijeća. Radi se o lokaciji Privredne banke, koje je investitor kupio, ima namjeru da ruši taj objekat, on je već podnio Službi zahtjev za rušenje objekta, gdje je priložio i projekat rušenja objekta. Ima namjeru da gradi stambeno-poslovni objekat, većih dimenzija i veće spratnosti. On je u svom zahtjevu i naveo, već ste imali pročitati njegov zahtjev. Prijedlog je da se stavi u proceduru njegov zahtjev. Dalje u postupku donošenja Nacrta, javne rasprave i uvida doći ćemo do konkretnih šta bi se tu moglo raditi. Drugi prijedlog za izmjenu Regulacionog plana je po zahtjevu Džino petrol. Tu se radi o lokaciji njegove benzinske pumpe kod gradskog stadiona, gdje on traži da se iza benzinske pumpe, već postojeći poslovni objekat, gdje obavlja djelatnost vulkanizera, da se on kroz ovu izmjenu legalizuje, da se predvidi kao stalni objekat, jer je sad u tom dijelu predviđen samo parking. On ima i saglasnost susjednog vlasnika, oni su jedan drugom dali obostranu saglasnost na samoj međi parcelu. Treći prijedlog Odluke o pristupanju djelimičnoj izmjeni Regulacionog plana Kosova je isto po zahtjevu Džino petrol. To se radi o lokaciji kod skretanja stadionu, ona desno parcela gdje on traži da se tu predvidi izgradnja benzinske pumpe. U jednom dijelu bi bila benzinska pumpa, u drugom bi bio parking za putnička vozila i parking što odgovara i samoj lokaciji, blizini stadiona. Četvrti prijedlog je Euro Meat Maglaj. Radi se o lokaciji kod kružnog toka, bivši prostor Sabix Borik gdje se sad promijenila vlasnička struktura. U vrijeme donošenja Regulacionog plana sjeverni dio 2005.godine to je bilo vlasništvo samo jedne firme, sad već tu imamo tri različita vlasnika. Kroz ovaj zahtjev on traži da se izmijeni namjena objekta postojećeg za rasjecanje i distribuciju crvenog mesa. A i da se ukine jedan objekat, koji je predviđen prema postojećem planu, koji sad po trenutnoj vlasničkoj strukturu spada na tri parcele tri različita vlasnika. Što se tiče načina donošenja ovih odluka, moj prijedlog je da ova Odluka za Džino petrol južni dio ide po skraćenom postupku, pa se vi izjasnite.

Otvaram raspravu.

Vijećnik Jasmin Begić, što se tiče privrede Maglaja, ovdje je u pitanju privreda Maglaja, SDA će podržati sve zakonske procedure, tako da ovdje nema dileme. Ne bi se složio sa

Nedžadom što kaže da je to bilo zbog nekih drugih razloga, nego znamo da se promijenio šef Službe i odmah vidimo adekvatan rad ljudi koji hoće da rade, a ne ljudi koji imaju komplekse i stvaraju problem tako da je Maglaj najnerazvijeniji grad u BIH. Pitanje za gospodina Nedžada je sljedeće: Euro Meat, možete li mi pojasniti, pošto je napravljen objekat, da li je isti posjedovao građevinsku i urbanističku dozvolu pri građenju onog objekta? Da li se to radi o klasičnoj legalizaciji objekta?

Načelnik općine-replika, ja ovdje moram replicirati na jedan vrlo nekorektan pristup, da ne kažem primitivan istup. Svi koji su ovo čuli i koji budu gledali lijepo će pročitati optužnicu protiv gospodina Fuada Hajrulahovića. Gospodin Fuad Hajrulahović je jedan vrstan stručnjak u svom poslu, odličan šef Službe i nije otišao sa funkcije šefa Službe zato što je smetao ili što nije radio, nego zato što je čovjek imao zdravstvene probleme sa srcem i zbog toga sam ga postavio na drugu funkciju, a njegovo mjesto trenutno po rješenju obavlja gospodin Nedžad Čatić. I gospodin Hajrulahović u ovom dijelu nikog nije kočio niti će kočiti ni on ni gospodin Čatić.

Vijećnik Jasmin Begić-replika, nisam znao da šef Službe ima i svog advokata ovdje.

Predsjedavajuća Svjetlana Zamboni-Radovanović, ja Vas molim da ne budete ironični.

Vijećnik Jasmin Begić, nemoj me prekidati. Što nisi rekla njemu? Što nisi rekla?

Predsjedavajuća Svjetlana Zamboni-Radovanović, mene ćete persirati kao što ja Vas.

Vijećnik Jasmin Begić, neću.

Predsjedavajuća Svjetlana Zamboni-Radovanović, ako nećete to je opet odraz Vašeg odgoja. Ja Vas molim da se držite tačke dnevnog reda.

Vijećnik Jasmin Begić, ja se držim tačke dnevnog reda.

Predsjedavajuća Svjetlana Zamboni-Radovanović, raspravljate o uposlenicima Općine što nije tačka dnevnog reda.

Vijećnik Jasmin Begić, htio bih samo da kažem, ako je radio dobro navedeni šef Službe, mi svi vidimo Maglaj u kakvom je stanju. Ako je to stanje da neko radi dobro i da mi za jedan vulkanizer čekamo dvije godine, za jednu zgradu čekamo dvije i po godine, da Nesib koji je podnio zahtjev za godinu dana dođe ovdje, pa šta vi mislite? Jel vam sad jasno što smo na zadnjem mjestu? Jel vam jasno? Godinu dana čovjek čeka. Šta znači kad pare čekaju, de otidite u Doboj vidite kad ćete dobiti papir za zgradu.

Načelnik općine-replika, vijećniče Begiću da Vas malo podučimo lijepom ponašanju. Dakle, ne kaže se što nisi rekla njemu, nema njega, nego ima načelnik Mahmutagić, kao što ima vijećnik Begić. To je jedna kultura ponašanja i odgoj koji se nosi od kuće i Vi ste trebali taj odgoj donijeti ovdje, pa se lijepo ponašati prema kolegama. Druga stvar, gospodin Hajrulahović, neću više o njemu da pričam, ono što sam rekao, rekao sam ono što iskreno mislim. Ali to što pominjete u kojem položaju se nalazi općina Maglaj kada je u pitanju privredni razvoj, Stranka demokratske akcije je ovu općinu vodila i zakovala je u grupu izrazito nerazvijenih općina. U posljednje četiri godine smo popravili sve parametre i nismo više u toj kategoriji, nego smo otišli u višu kategoriju. Uzmite pokazatelje i privrednog kretanja i sve pokazatelje koji se statistički obrađuju, pa ćete vidjeti gdje ste bili u 2014., 2015., 2010. itd., a gdje smo završili 2019. 2020.godina je takva kakva jeste. Činjenica je da ovo stoji dugo kada je u pitanju Alu Wood Inžinjeri i vlasnik investitor za to zna i nije počeo još ni rušenje objekta, niti se opredijelio za konačno rješenje. U kontaktu smo cijelo vrijeme i da je trebalo to gurati u vrijeme pandemije kada su sjednice bile kraće, manje

tačaka. Zato sada imate sjednicu 30 tačaka, moglo je biti 50 tačaka, koliko materijala ima, ali evo završit ćemo sa ovih 30 dana. Nadam se i završit ćemo proceduru kada je u pitanju Alu Wood Inžinjering. Sa svim tim privrednicima, investitorima imam dobar odnos i ne treba mi niko na to ukazivati. Stvar kada pitate za legalizaciju, dakle morate se nekad nešto i naučiti kako se radi po zakonu. Ne ide se prvo nešto napraviti pa onda legalizovati, pa onda kada imate problem sa susjedom koji neće da potpiše da pravite objekat, njegov objekat na određenoj udaljenosti, onda problem se prenosi na gospodina Hajrulahovića ili načelnika. Ne. Da je neko radio blagovremeno i zakonito ne bi bio taj problem. Ali taj problem se riješio i evo rješava. Euro Meat dobio je građevinsku dozvolu od kantona. Ovdje kako je gospodin Čatić rekao se radi o promjeni namjene, jer je namjena kompletnog tog prostora bila nekad drvena industrija, sad imate tri različita vlasnika i da se i taj dio legalizuje.

Vijećnik Safet Jašić-replika, ja ću vas sve selamiti i pozdraviti. Ne bi ulazio u ove duele, ali ima pravo da repliciram načelniku kada je rekao da je SDA zakovala sve programe na općini Maglaj u proteklom periodu.

Predsjedavajuća Svjetlana Zamboni-Radovanović, hoćete li se molim Vas vratiti na tačke dnevnog reda iz oblasti urbanizam, ja Vas preklinjem.

Vijećnik Safet Jašić, ja imam pravo na repliku i ja ću replicirati.

Predsjedavajuća Svjetlana Zamboni-Radovanović, naravno da imate, ali se držite tačke dnevnog reda.

Vijećnik Safet Jašić, sve što je dobro urađeno u općini Maglaj, milionski projekti koji su urađeni u ruralnom i urbanom dijelu općine Maglaj uradila je SDA. Protekle četiri godine vratit ćemo se nazad, pa ćemo da vidimo šta je aktuelna, ona vlast i ona sada, isti načelnik koliko ste milionskih projekata uradili. Milionski projekti su ovdje nama pred očima, ali nećemo da ih vidimo, koje treba nastaviti raditi, a ne radimo. A svjesni smo toga da ne možemo proći, ne znam ni ja, neću se sada ružno izraziti, dokle, ali optužujemo SDA koja je 20 godina. Možete o Maglaju govoriti šta god hoćete, ali Maglaj je jedan od najljepših urađenih mjesta i baš u periodu kad je bila SDA. Slažem se da se i danas dan rade neke stvari kada je u pitanju izgled Maglaja, ali nema niko pravo da SDA na osnovu jedne diskusije, koja je možda pogrešna, možda i nije neću da uopšte ulazim, da osuđuje SDA da je 20 godina obustavljala neke stvari. Ako bude trebalo ja mogu napamet da nabrojim, da ne pišem. Ali zamolio bih kad o SDA se govori ima da se malo drugačije govori. To ja zahtjevam.

Predsjedavajuća Svjetlana Zamboni-Radovanović, sve vijećnike i one koji se jave za diskusiju molim da se drži tačke dnevnog reda, u suprotnom prekinut ću raspravu, napraviti ćemo pauzu, dok se ponovo ne smiri situacija i ne budemo mogli diskutovati o tačkama dnevnog reda.

Vijećnik Firuz Galijašević, pozdravljam sve prisutne. Klub SDP-a će, a na prijedlog Službe prihvatiti Odluke o pristupanju djelimičnoj izmjeni Regulacionog plana po zahtjevima Alu Wood Inžinjering, Džino petrol i Euro Meat, sve u paketu.

Zaključujem raspravu.

Nedžad Čatić, pa postojeći objekat koji sada ima Euro Meat, ustvari onaj osnovni objekat 41x35 je izgrađen još od firme Sabix. Pa je banka ga uzela na sebe, kupio ga Euro Meat. Taj objekat ima građevinsku i upotrebnu dozvolu još od 2006-2007.godine. Sad ima ovaj dograđeni dio koji za koji imaju dozvolu, to je kantonalna nadležnost bila, ima dozvola od kantona, sad bi se faktički samo to stanje legalizovalo kroz ovo.

PAUZA KLUB SDA.

Predsjedavajuća Svjetlana Zamboni-Radovanović, imali smo dakle samo jedan prijedlog u toku ovih diskusija, to je bio prijedlog od gospodina Galijaševića da se glasa o sva četiri materijala zajedno, obzirom da se radi o djelimičnoj izmjeni Regulacionog plana.

Vijećnik Jasmin Begić, kao što sam i rekao, moje kolege su podržale tu inicijativu, sve što bude bilo za privredu i pozitivne pomake u Maglaju, Klub SDA će podržati. Tako ćemo podržati sve četiri ove tačke.

Predsjedavajuća Svjetlana Zamboni-Radovanović, imali smo i Prijedlog Službe da Džino petrol i Euro Meat o skraćenom postupku. Radi se o benzinskoj da ide po skraćenom postupku i da ide Euro Meat po skraćenom postupku. Ko je za?

Vijećnik Arif Mujkanović prisutan.

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Elvir Vehabović (NBL), Pero Mamić (HDZ), Aida Bašić (A-SDA), Adis Abdurahmanović, Jasmin Begić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

Vijećnik Safet Jašić nije prisutan.

Vijećnik Hajrudin Ferić nije prisutan.

Ko je za sva četiri prijedloga?

Z A K L J U Č A K

13.1. Usvaja se Odluka o pristupanju djelimičnoj izmjeni Regulacionog plana „Centar Maglaj – južni dio“, po zahtjevu ALU WOOD INŽINJERING d.o.o. Maglaj;

13.2. Postupak izmjene Regulacionog plana provodit će se po redovnom postupku;

Z A K L J U Č A K

14.1. Usvaja se Odluka o pristupanju djelimičnoj izmjeni Regulacionog plana „Maglaj centar – južni dio“, po zahtjevu DŽINO PETROL d.o.o. Maglaj;

14.2. Postupak izmjene Regulacionog plana provodit će se po skraćenom postupku;

Z A K L J U Č A K

15.1. Usvaja se Odluka o pristupanju djelimičnoj izmjeni Regulacionog plana „Kosova“ – po zahtjevu DŽINO PETROL d.o.o. Maglaj;

15.2. Postupak izmjene Regulacionog plana provodit će se po redovnom postupku;

Z A K L J U Č A K

16.1. Usvaja se Odluka o pristupanju djelimičnoj izmjeni Regulacionog plana „Centar Maglaj-sjeverni dio“ po zahtjevu „EURO MEAT“ doo Maglaj;

16.2. Postupak izmjene Regulacionog plana provodit će se po skraćenom postupku;

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Elvir Vehabović (NBL), Pero Mamić (HDZ), Aida Bašić (A-SDA), Adis Abdurahmanović, Jasmin Begić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

17. Prijedlog Odluke o prodaji nekretnine neposrednom pogodbom Mehinagić – Ruvić (Rifat) Samri iz Maglaja, radi oblikovanja građevinske parcele;

18. Prijedlog Odluke o prodaji nekretnine neposrednom pogodbom Suljaković (Muhamed) Taibu iz Maglaja, radi oblikovanja građevinske parcele;

Nedžad Ćatić, ovo je Rješenje Mehinagić-Ruvić ono je već u proceduri malo duže, nije se stiglo. Prijedlog Odluke o prodaji nekretnine neposrednom pogodbom Mehinagić – Ruvić (Rifat) Samri iz Maglaja i Suljaković (Muhamed) Taibu je otprilike ista stvar. To se radi o oblikovanju građevinske parcele za izgrađeni objekat po Regulacionom planu Maglaj-južni dio gdje su predviđene građevinske parcele. To se radi o objektima prizemnicama gdje imaju po dva stana. Oni su vlasnici stanova i za taj dio objekta predviđene su građevinske parcele kako je u prijedlogu. Ovdje se radi o Prijedlogu Odluke da se izvrši neposredna pogodba gdje bi nakon toga se notarskim ugovorom sa predstavnicima Općine izvršila se prodaja zemljišta. Ovdje ima i cijena zemljišta koju je dala Komisija. To zemljište se nalazi u trećoj zoni građevinskog zemljišta. Što se tiče Suljakovića i Samre radi se na isti način oblikovanje građevinske parcele.

Otvaram raspravu.

Vijećnik Safet jašić prisutan.

Nedžad Ćatić, Prijedlog Komisije bio je 60 KM po m² za to zemljište.

Ko je za donošenje Prijedloga Odluka?

Z A K L J U Č A K

17.1.Usvaja se Odluka o prodaji nekretnine neposrednom pogodbom Mehinagić – Ruvic (Rifat) Samri iz Maglaja, radi oblikovanja građevinske parcele, po predloženoj cijeni komisije od 60,00 KM po 1m2.

ZAKLJUČAK

18.1.Usvaja se Odluke o prodaji nekretnine neposrednom pogodbom Suljaković (Muhamed) Taibu iz Maglaja, radi oblikovanja građevinske parcele, po predloženoj cijeni komisije od 60,00 KM po 1m2.

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Fermić (DF), Aida Bašić (A-SDA), Pero Mamić (HDZ), Elvir Vehabović (NBL).

GLASALO UZDRŽANO: Adis Abdurahmanović, Jasmin Begić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

19. Prijedlog Odluke o prosječnoj građevinskoj cijeni 1 m2 korisne stambene površine na području općine Maglaj za 2021.godinu;

Nedžad Ćatić, prosječna konačna građevinska cijena se donosi svake godine do 31.marta i služi kao osnovica za obračun renti prilikom izgradnje novih objekata. Propisano je Zakonom o građevinskom zemljištu da se donosi na nivou općine, onoliko koliko se na nivou općine može postaviti cijena. Mi smo pribavili od građevinskih firmi koje se bave izgradnjom objekata, građevinske koje su oni dostavili. Imate ovdje u obrazloženju četiri firme. Prošle godine smo imali 730 KM, ove godine imamo raznih prijedloga. Do vas je kako ćete donijeti opet. Nekom aritmetičkom sredinom bilo bi 780 KM, opet je Općinsko vijeće tu da odluči. Radi se o prijedlogu Odluke, mi smo do sad imali, iako je Nacrt, mislim da sad ne treba, ipak je to cijena koju dobijamo na osnovu zahtjeva naših, odnosno firme kako dostave prijedloge. Mislim da ne bi trebali sad ići na rasprave. To su firme koje se bave time i uvijek od istih tražimo.

Otvaram raspravu.

Vijećnik Adis Abdurahmanović, pa čitajući materijale kao što je gospodin Ćatić i predsjedavajuća pomenuli, četiri iste firme dostavljaju materijal, odnosno svoje prijedloge. Klub vijećnika SDA će što se tiče ove Odluke da visina prosječne građevinske cijene 1 m² korisne stambene površine bude 730 KM, kao i prošle godine, da ostane. To je naš prijedlog. Zaključujem raspravu, na glasanje stavljam da cijena bude 730 KM kao što je bila i prošle godine i samu Odluku, ko je za?

ZAKLJUČAK

19.1.Usvaja se Odluka o prosječnoj građevinskoj cijeni 1 m2 korisne stambene površine na području općine Maglaj za 2021.godinu;

19.2. Općinsko vijeće Maglaj utvrđuje visinu prosječne konačne građevinske cijene 1m2 korisne stambene površine na području općine Maglaj u iznosu od 730,00 KM;

GLASALO ZA: Elvir Arnautović, Mirza Bradarić, Fikret Delić, Jasmin Đuhara, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Elvir Vehabović (NBL), Pero Mamić (HDZ), Aida Bašić (A-SDA), Adis Abdurahmanović, Jasmin Begić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

20. Prijedlog Rješenja o izuzimanju zemljišta u korist Općine Maglaj radi formiranja građevinske parcele broj 72 po Regulacionom planu „Centar Maglaj – južni dio“;

Nedžad Čatić, građevinska parcela broj 72 po Regulacionom planu „Centar Maglaj – južni dio“; radi se o zemljištu od benzinske pumpe Džino, gdje parkira firma Herceg, ima objekat u ruševnom stanju. Ovaj se postupak vodi već 10 godina, od 2009.godine. Mi smo ga ove godine, nadam se okončali. Formira se građevinska parcela od većinom općinskog zemljišta i jednog dijela zemljišta, odnosno to je ta zgrada koja je upisana u katastru na Zovko gradnja, a u grunтовnici na Vakuf. Mi smo u tom postupku proveli postupak, stručna lica su se izjasnili i imali smo jednu Odluku na Vijeću, gdje je Vijeće donijelo Odluku da se može ići u zamjenu zemljišta sa Islamskom zajednicom, Vakufskom direkcijom za dio zemljišta ispod objekta, gdje bi Općina dala dio zemljišta kod Nove gradske džamije, to je navedeno u ovom Rješenju. Bitno je ovdje napomenuti što se tiče objekta, on se vodi na Zovko gradnji kome je sljednik Gradina d.o.o. To je firma koja se sudskom odlukom ugašena, nije se raspravljalo, nema ostavinske mase. Ali smo mi u ovom postupku na prijedlog i pravobranioca izvršili u svakom slučaju, izvršili procjenu objekta, angažovali sudskog vještaka. Ta procjena stoji u predmetu, ako se neko i pojavi, tražiti naknadu za taj objekat.

Otvaram raspravu.

Zaključujem raspravu.

Vijećnik Hajrudin Ferić prisutan.

Ko je za?

Z A K L J U Č A K

20.1.Donosi se Rješenje o izuzimanju zemljišta u korist Općine Maglaj radi formiranja građevinske parcele broj 72 po Regulacionom planu „Centar Maglaj – južni dio“;

GLASALO ZA: Elvir Arnautović, Mirza Bradarić, Fikret Delić, Jasmin Đuhara, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Elvir Vehabović (NBL), Hajrudin Ferić (DF), Pero Mamić (HDZ), Aida Bašić (A-SDA), Adis Abdurahmanović, Jasmin

Begić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

21. Prijedlog Rješenja o utvrđivanju prava svojine u korist Zamboni (Ferdo) Zdenka iz Maglaja kao pravnog sljedbenika graditelja garaža;

Nedžad Ćatić, radi se o garažama kod S 30/1 i 30/2, dvije garaže koje su izgrađene prije rata, uradio ih „22.decembar“. Međutim te garaže nisu imale građevinsku dozvolu, sad one mogu dobiti građevinsku dozvolu. One se rade u skladu sa članom 61. Zakona o građevinskom zemljištu koji reguliše te situacije, ako je objekat izgrađen bez dozvole, a može se dobiti dozvola po važećem Regulacionom planu. Vlasnik garaže plaća zemljište, rentu i dodjeljuje mu se to zemljište. Radi se o dvije garaže kojem je utvrđena cijena. Cijena je 60 KM m².

Otvaram raspravu.

Zatvaram raspravu.

Ko je za?

ZAKLJUČAK

21.1. Usvaja se Rješenje o utvrđivanju prava svojine u korist Zamboni (Ferdo) Zdenka iz Maglaja kao pravnog sljednika graditelja garaža, uz predloženu cijenu za plaćanje naknade za zemljište u iznosu od 60,00 KM za 1m².

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Elvir Vehabović (NBL), Hajrudin Fermić (DF), Pero Mamić (HDZ), Aida Bašić (A-SDA), Jasmin Begić, Eldin Pehrat (SDA).

GLASALO UZDRŽANO: Adis Abdurahmanović, Safet Jašić, Eldis Kusur, Edin Osmić, Edin Salatović, Maid Suljaković (SDA).

PAUZA ZA KOLEGIJ.

Predsjedavajuća Svjetlana Zamboni-Radovanović, nakon pauze za Kolegij dogovorili smo se otprilike od 11:55 do 12:25 sati napravimo jednu pauzu od pola sata kako bi svako mogao obaviti, neko će otići na namaz, neko će otići da jede.

22. Prijedlog srednjoročnog - trogodišnjeg plana potencijalnih projekata JPP-a 2021- 2023.g. i godišnjeg plana potencijalnih projekata javno-privatnog partnerstva za 2021.godinu;

Nermin Bešliagić, pozdravljam sve prisutne. Kako ste vidjeli u materijalu, a shodno Zakonu o JPP Zeničko-dobojskog kantona, općine su u obavezi da prave godišnje planove

potencijalnih projekata javno-privatnog partnerstva i planove srednjoročnog - trogodišnjeg plana potencijalnih projekata JPP-a u formatu kroz dvije godine i s te strane evo kako ste vidjeli u materijalu, dobili ste određen prijedlog koji je takav kakav je. U suštini, iako je zakon donesen prije četiri godine u Zeničko-dobojskom kantonu nije se do sada desio nijedan slučaj javno-privatnog partnerstva, tako da nije to nekakva, sad da kažem navala na takve stvari ili pogotovo manjka investicija. S te strane mi kandidujemo jedan određeni broj projekata koji smatramo da imaju nešto više materijala za javno-privatno partnerstvo od ostalih iz srednjoročnog plana. Međutim i to otprilike razlog da uđemo i u katalog projekata javno-privatnog partnerstva Zeničko-dobojskog kantona za ovu godinu. S tim što svi drugi projekti koji nisu sadržani u planu ili oni koji nisu ni u jednom ni u drugom planu, nije im prepreka da se oni ne dese, ukoliko bi se pojavio kvalitetan investitor zainteresiran za investicije i određene intervencije. Predlažem da se usvoji ovakav Plan kakav jeste. Više je zakonska obaveza, u kojoj mjeri je on zaista realan da se ovo sve desi, sigurno nije, a s druge strane pokazujemo određenu proaktivnost, kandidujemo te projekte, puštamo ih u eter, u katalog s nadom da će se nešto dešavati.

Predsjedavajuća Svjetlana Zamboni-Radovanović, obzirom da se radi o prijedlogu, da li ga primamo k znanju ili usvajamo?

Nermin Bešlić, usvajamo.

Vijećnik Hajrudin Ferić odsutan.

Vijećnik Elvir Vehabović odsutan.

Stavljam na glasanje,

Z A K L J U Č A K

22.1. Usvaja se Prijedlog srednjoročnog - trogodišnjeg plana potencijalnih projekata JPP-a 2021- 2023.g. i godišnjeg plana potencijalnih projekata javno-privatnog partnerstva za 2021.godinu;

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Pero Mamić (HDZ), Aida Bašić (A-SDA).

GLASALO UZDRŽANO: Adis Abdurahmanović, Jasmin Begić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

23. Odluka o visini i načinu isplate naknada općinskim vijećnicima, predsjedavajućeg, zamjenika predsjedavajućeg/dopredsjedavajućeg i naknada članovima Komisija Općinskog vijeća;

24. Odluka o kriterijima, mjerilima i načinu finansiranja parlamentarnih grupa političkih stranaka i samostalnih vijećnika u 2021.godini;

Vijećnik Elvir Vehabović prisutan.

Stavljam na glasanje,

ZAKLJUČAK

23.1. Usvaja se Odluka o visini i načinu isplate naknada općinskim vijećnicima, predsjedavajućeg, zamjenika predsjedavajućeg/dopredsjedavajućeg i naknada članovima Komisija Općinskog vijeća;

ZAKLJUČAK

24.1. Usvaja se Odluka o kriterijima, mjerilima i načinu finansiranja parlamentarnih grupa političkih stranaka i samostalnih vijećnika u 2021.godini;

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Elvir Vehabović (NBL), Pero Mamić (HDZ), Aida Bašić (A-SDA), Adis Abdurahmanović, Jasmin Begić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

25. Odluka o visini naknade članovima Općinske izborne komisije;

Otvaram raspravu.

Vijećnik Eldis Kusur, stav Kluba SDA po ovoj tački 25. Odluka o visini naknade članovima Općinske izborne komisije. Vezano za ovu tačku dnevnog reda, postavlja se pitanje zašto se u preambuli Prijedloga Odluke predlađač poziva na odredbe nevažeće Odluke o visini naknade za rad članova Općinske izborne komisije, osnovne jedinice u BiH i to iz 2010.godine, kada imamo validnu i važeću Odluku o visini naknade za rad članova Općinske izborne komisije, osnovne jedinice u BiH, Službeni glasnik BiH broj: 32/16 sa početkom primjene od 01.05.2016.godine koja na znatno drugačiji način reguliše utvrđivanje i visinu naknade članovima za rad OIK-a, tj. po novoj Odluci 200 KM u neizbornom periodu? Da su nastupile predmetne izmjene, predlađaču je dobro poznato iz razloga što je Općina Maglaj tokom 2018.godine Ustavnom sudu BiH podnosila zahtjev za ocjenu ustavnosti odredbi važeće Odluke iz 2016.godine, a sad se ponovo poziva na 2010. i zahtjev je odbačen. Klub SDA neće podržati ovakav nezakonit Prijedlog Odluke iz razloga što usvajanjem istog mogu proizaći novi sudski sporovi, a i već ima sudskih sporova po ovom pitanju.

Emina Hasanić, u ovoj Odluci ne može se pozvati na novu Odluku koja je na snazi, ali sredstva koja su odvojena u Budžetu i namjenjena za Općinsku izbornu komisiju nisu dostatna da se primjenjuju na osnovu te Odluke. Tako da, sredstva koja su navedena u ovoj Odluci pozivaju se u preambuli na propise ranije donesene Odluke.

Vijećnik Eldis Kusur, ja sam samo iz razlog iznio, pošto možda znaju vijećnici, možda ne znaju da je prethodna Općinska izborna komisija podnijela zahtjev za preispitivanje ove Odluke. Odnosno imamo spor u vezi ovog. Ja sam danas svjesno Odluku isprintao i donio prečišćen tekst. Već je ranije Općinsko vijeće u drugom sazivu donosilo Odluke kao što je nama predloženo u materijalima, članovi OIK-a podnijeli su tužbu, dobili su spor zato što se

primjenjivala Odluka iz 2012. godine, a ne važeća iz 2016. Stav Kluba SDA da se ide po Odluci koju je utvrdila Centralna izborna komisija. Mi imamo 20.260 birača, to jest registrovanih stanovnika na biračkom spisku i po tom tačno piše koliko treba da se opredijeli sredstava za rad Općinske izborne komisije.

Emina Hasanić, ove Odluke su donesene na osnovu Odluke o privremenom finansiranju. Znači vrijede do 31.marta. Nakon što se usvoji Budžet ove će tri Odluke, dakle prethodne dvije i ova biti ponovo donesene.

Predsjedavajuća Svjetlana Zamboni-Radovanović, sve ćemo Odluke ponovo morati donositi nakon usvajanja Budžeta.

Načelnik općine, samo kratka ispravka krivog navoda, postoji sudska presuda po ovom osnovu, ali ne zbog toga što nije primjenjivana Odluka iz 2016.godine. Sudsku presudu ima Elmir Mustabašić koji je član i kadar SDA u Maglaju, koji je bio i kontakt osoba sa Općinskom izbornom komisijom i ta presuda se odnosi na period kada je bio načelnik iz SDA g.Mustabašić, kada je SDA imala svoju većinu. Dakle tada je imenovana komisija i tada su donošene odluke. Ista ovakva Odluka kao što je i sada i da vam ne govorim, ko je gospodina Mustabašića još nagovorio da tuži Općinu. Nakon što je koristio općinska sredstva i kao partijski jatak se nije smio javiti, nego onog trenutka kada je SDA izgubila, e sad ću ja tužiti Općinu. A zašto je danas ova vaša priča da pije vode, da govorimo o Odlukama nakon usvajanja Budžeta. Ova danas ovakva Odluka dolazi, jer je vezana za Odluku o privremenom finansiranju.

Predsjedavajuća Svjetlana Zamboni-Radovanović, zato sam i provjerila sa Senkom. Evo ona je rekla na nivou tromjesečnog kvartala.

Vijećnik Maid Suljaković, ja ću vrlo kratko. Po pitanju ove Odluke, mislim da mi po zakonu moramo isplaćivati veći iznos. Mi sad možemo razmatrati da li je to veliki iznos da plaćamo ili nije, ali Odluka o privremenom finansiranju, mi možemo mijenjati kada je ovo u pitanju. Ja bih samo pitao ko će bit odgovoran ako se desi da neko ponovo tuži, mi se nećemo moći pravdati da smo mi donijeli Odluku o privremenom finansiranju i da je prethodna godina bila taj i taj iznos?!

Zaključujem raspravu i stavljam na glasanje,

ZAKLJUČAK

25.1. Usvaja se Odluka o visini naknade članovima Općinske izborne komisije;

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Elvir Vehabović (NBL), Pero Mamić (HDZ), Aida Bašić (A-SDA).

GLASALO PROTIV: Adis Abdurahmanović, Jasmin Begić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

PAUZA OD 11:55 – 12:25 sati.

26. Prijedlog Odluke o učešću općine Maglaj kao osnivača KJD u sufinansiranju;

Otvaram raspravu.

Vijećnik Hajrudin Ferić prisutan.

Vijećnik Jasmin Begić, za one koji ne znaju, koji nisu pročitali dio materijala, radi se o nekoj nastrešnici i nekim građevinskim radovima gdje bi se koliko sam shvatio, oslobodilo nekih taksi KJD Maglaj. S tim u vezi želim da napomenem da sve privatne firme plaćaju, bilo manje ili više. Ovo govorim iz interesa da se puni Budžet, ja nisam budžetski korisnik. Ali je logično ako neka firma ima promet za milion, a znamo da je 60% usluge, zato ja predlažem da ne podržimo ovakvu Odluku, da glasamo protiv nje, nek i oni plate. U odnosu na milion, ovih cca 500KM za njih ništa neće značiti.

Vijećnik Mirza Mešić, samo ću kratko. Svi znamo da je Općina osnivač, da se na taj način izlazi u susret i pomaže. Što se tiče Kluba vijećnika SDP-a oni stoje iza ove Odluke i podržat ćemo.

Stavljam na glasanje,

Z A K L J U Č A K

26.1. Usvaja se Odluka o učešću općine Maglaj kao osnivača KJD u sufinansiranju izgradnje – postavljanju nadstrešnice na dijelu ograđenog zemljišta koji se koristi za potrebe zelene pijace.

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Ferić (DF), Elvir Vehabović (NBL), Pero Mamić (HDZ), Aida Bašić (A-SDA).

GLASALO PROTIV: Adis Abdurahmanović, Jasmin Begić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

27. Prijedlog Odluke o dodjeli poslovnih prostorija u vlasništvu Općine Maglaj udruženjima građana i humanitarnim organizacijama na privremeno korištenje;

Otvaram raspravu.

Vijećnik Edin Salatović, Klub vijećnika SDA predlaže da se udruženjima koja već koriste te prostorije produži ugovor o korištenju istih. Da takva udruženja ne apliciraju na javni poziv, već da se uzmu u obzir prazni prostori i prostori udruženja koja koriste više od jedne. Tražimo da se ovo uvrsti kao sastavni dio Odluke i shodno tome objavi javni poziv.

Zaključujem raspravu.

Načelnik općine, da ne bi bili pogrešno shvaćeni. Ovaj prijedlog koji je iznio SDA, mi imamo situacije da neka udruženja traže sad drugi prostor. Ovo je javni poziv da se sve to uvede u zakonite puteve. Nema ugovora koji bi se mogli produžiti i ono ugovora što je neko prije, pitanje je da li je u skladu sa zakonom. Zbog toga želimo da provedemo jedan javni poziv, da se jave sva udruženja. Ima udruženja koja nemaju nikakav prostor, ima udruženja

koja imaju prostor, a uopće ne funkcionišu i tako dalje. Nije cilj da se nekome nešto uzima, nego da se ozakoni i da se pomogne i onima kojima trebaju prostorije, a nemaju. Da se provede javni poziv, opet ćemo to Vijeću na usvajanje, eto to je cilj.

Ko je za prijedlog SDA?

GLASALO ZA: Adis Abdurahmanović, Jasmin Begić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

GLASALO PROTIV: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Ferić (DF), Elvir Vehabović (NBL).

GLASALO UZDRŽANO: Pero Mamić (HDZ), Aida Bašić (A-SDA).

Stavljam na glasanje

ZAKLJUČAK

27.1. Usvaja se Odluka o dodjeli poslovnih prostorija u vlasništvu Općine Maglaj udruženjima građana i humanitarnim organizacijama na privremeno korištenje;

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Ferić (DF), Elvir Vehabović (NBL), Pero Mamić (HDZ), Aida Bašić (A-SDA).

GLASALO PROTIV: Adis Abdurahmanović, Jasmin Begić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

28. Prijedlog Odluke o imenovanju povjerenika MZ-a općine Maglaj;

Otvaram raspravu.

Vijećnik Almin Smailović, ja bih pozdravio sve prisutne, obzirom da prvi put izlazim za govornicu, čestitao bih novoizabranom rukovodstvu Općinskog vijeća, kao i načelniku na novom mandatu i kolegama vijećnicima zaželio uspješan rad. Odluku o imenovanju povjerenika MZ-a na općini Maglaj, Klub SDP-a će naravno podržati uz naravno obrazloženje koje smo ovdje zabilježili. Predlažemo da Služba za boračko-invalidsku i socijalnu zaštitu, opću upravu i društvene djelatnosti predloži modus organiziranja zborova građana koji će u konačnici birati Savjete MZ-a i predsjednika kako ide u već ranije određenim procedurama. Naravno, modus treba uvažiti sve preporuke od strane nadležnih organa koji su aktuelni zbog pandemije izazvane korona virusom. Obzirom da su lokalni izbori uspješno organizirani u doba pandemije, to nam je jasan pokazatelj da smjernice nadležne Službe kako organizirati

glasanje Savjeta MZ-a. Nadležne Službe će određene preporuke predložiti kako to organizovati, ovi povjerenici će biti u nekom prijelaznom mandatu da to sve prevazićemo.

Vijećnik Eldis Kusur, Klub vijećnika SDA ima određene sugestije po ovoj Odluci. Ja ću ovako taksativno. Prije opširne rasprave po ovoj tački dnevnog reda, napomene radi nužno je danas sve prisutne kolege vijećnike, ali i predlagača ovog nezakonitog akta, upozoriti na Odredbe člana 13. stav 3. Zakona o principima lokalne samouprave FBiH, odnosno član 18. stav 2. Statuta Općine Maglaj, da članovi Općinskog vijeća odgovaraju za ustanovnost i zakonitost akata koje Vijeće donosi u okviru svoje nadležnosti. Dok je Odredbom člana 15. stav 2. Zakona odnosno člana 42. stav 3 Statuta da načelnik odgovara za ustanovnost i zakonitost akata koje predlaže Vijeću. Navedene zakonske Odredbe su citirane kolegama iz rzaloga da dobro razmisle prilikom glasanja, ne samo za ovaj, nego i sve ostale nezakonite akte koji se nađu na dnevnom redu. Jer je zakonom propisana individualna odgovornost svakog od nas, koja može biti sankcionisana od strane nadležnih organa. Dalje, po pitanju samog prijedloga Odluke bitno je naglasiti, napomene radi, hronološki gledano, 2018.godine pokušano je zakonito nametanje procedure izbora organa MZ na način da su izvan statutarno pokušala se nametnuti procedura za koje nadležno Federalno ministarstvo pisanim aktom kazalo da je nezakonito. Procedura nametanja se zaustavlja i nastaje vakum. U nastavku Zaključkom Općinskog vijeća 28.03.2019.godine pokreće se inicijativa za izmjene i dopune Statuta mjesnih zajednica, kad se provodi javna rasprava po mjesnim zajednicama i dostavljaju se prijedlozi za glavnu javnu raspravu koja nikad nije održana. Sve se to vidi u informacije o provedenim aktivnostima po Nacrtu Statuta dostavljeno 21.01.2020.godine. Tako se zaustavljaju sve aktivnosti oko završavanja procedure donošenja novog Statuta mjesnih zajednica. U proceduru se uvodi Prijedlog Odluke o osnivanju, potvrđivanju mjesnih zajednica na području općine Maglaj i Odluka se donosi o registru mjesnih zajednica. Vijeće usvaja te dvije Odluke 28.03.2019.godine koje evo skoro dvije godine stoje kao mrtvo slovo na papiru. Registar nije nikad uspostavljen, nemamo Statuta mjesnih zajednica, imamo pravni vakum i totalno neuređenu oblast. Imali smo prije četiri mjeseca, Odluku o imenovanju povjerenika radi provođenja izborne procedure u mjesnim zajednicama i izbor organa mjesnih zajednica. Kako to u obrazloženju prijedloga nove Odluke stoji, pozivate se na primjenu mjera i zaštite od COVID-19 i poštivanje mjera, te isticanje mandata od 90 dana na koliko su imenovani po Statutu Općine Maglaj. To služi kao osnov za imenovanje drugih povjerenika, odnosno potvrđivanje istih u zamjenu za pet prvoimenovanih. Analizirajući Prijedlog Odluke nije teško primjetiti kojih pet prvoimenovanih povjerenika je zamjenjeno i koje su to mjesne zajednice u pitanju. To su Novi Šeher, Kopice, Čobe, Ulišnjak i Kosova. Vidljiva je tendencija i politička diskriminacija, kao i namjera daljnje destabilizacije prilika čime je grubo prekršena Europska povelja o ljudskim pravima. Ako to radite u pet mjesnih zajednica koje su najaktivnije, onda je jasno izvući zaključak da se ovdje radi o ljudima koji su nepodobni, to jest svih tih pet članovi su SDA i uvaženi i cijenjeni članove naše stranke. Ono što je dalje nejasno, to što prijedlog Odluke o imenovanju povjerenika, nema u preambuli pozivanje na Statut mjesnih zajednica, što je za pretpostaviti da je Odluka pravno fališna. Dalje se otvara pitanje, ako povjerenici trebaju provesti postupak izbora za organe mjesnih zajednica što je primarni zadatak, na osnovu kojeg Statuta to trebaju uraditi? Ako se gleda pravno, ispravno je da se to uradi po zadnjem objavljenom Statutu u Službenim novinama Općine Maglaj. Za one koji ne znaju to je Statut objavljen u Službenim novinama Općine

Maglaj broj:8/11 od 10.11.2011. godine. Prema tom važećem Statutu, institut povjerenika ne postoji, nego je članom 24. definisano da je za provedbe izbora u ovim situacijama zadužena resorna Služba Općine Maglaj u roku od 60 dana, istim Statutom članom 32. regulisan je način izbora predsjednika mjesnih zajednica i rukovodstva. Dakle, pravno gledano, imamo nezakonito postupanje. S obzirom na pandemiju za koju niko nije znao kada će prestati i ovako demonstriranje demokratije da se naslutiti da će ovaj javašluk trajati i trajati. Gdje su u svemu tome građani? Ne može pojedinac upravljati procesima i preuzeti moć odlučivanja. Ovakav odnos u proteklom mandatu, pa evo i u nastavku ne daje nikakvu nadu u bolje sutra za lokalno stanovništvo. Da je nebriga u pitanju svjedoči činjenica da za četiri godine nije održan nijedan sastanak sa predsjednicima mjesnih zajednica zvanični ovdje u Općini. Pitamo rukovodioca Službe za stav i mišljenje po ovom pitanju, dakle šta mislite o statusu mjesnih zajednica i šta je njezin prijedlog, šta je prijedlog šefa Službe za izlazak iz ove situacije? Pitamo i za pravni osnov vezano za povjerenike. Dakle, za navedenih pet mjesnih zajednica, pet mjesnih zajednica? Jel to nema u obrazloženju prijedloga Odluke. I na kraju želimo napomenuti, da ćemo se ovim povodom obratiti i tražiti stav i mišljenje nadležnih institucija s ciljem utvrđivanja nezakonitosti u postupcima. Predlažemo da Općinsko vijeće Maglaj potvrdi imenovanje ranijih predsjednika Vijeća mjesnih zajednica, da u skladu sa važećim Statutom i rukovodiocem resorne Službe provede proceduru izbora u roku od 60 dana, procjenjujući epidemiološku situaciju, a da se za narednu sjednicu uvrsti odnosno nastavi postupak izmjene i dopune Statuta mjesnih zajednica, a da se u međuvremenu organizuje i završi javna rasprava na ovu temu. Naša namjera je unaprijeđenje, a ne bojkotovanje ili gušenje procedura, ali u skladu sa pozitivnim zakonskim procedurama. I ovdje jasno, svi smo ovdje odrasli, svi smo ovdje punoljetni, vidjeli ste spisak povjerenika mjesnih zajednica, sve je jasno očito, vidi se, da je samo u pet mjesnih zajednica gdje su predsjednici iz reda SDA promijenjeno. S tim u vezi ova informacija od 21.01.2020. godine na javnu raspravu, pa upravo su na tu javnu raspravu dostavili svoje materijale ovi predsjednici mjesnih zajednica koje vi danas ovdje eliminišete, smjenjujete tako da, mislim ovdje je napravljen pravni problem. Emina je sekretar Općinskog vijeća, pravnik, dopredsjedavajuća je pravnik, po slijedu okolnosti, valjda je trebala biti Odluka o razrješenju, otpuštanju povjerenika prethodnih, pa da se imenuju novi. Ne može Odluka na Odluka. Trebali su se ovi razriješiti pa da se imenuju novi. SDA je iznijela svoje stavove, mi se ne slažemo sa ovim nezakonitim.

Vijećnik Jasmin Đuhera, evo ovdje kolega Kusur priča o zakonitostima i dobrom radu. Imamo slučaj da u Novom Šeheru, dakle rukovodstvo mjesne zajednice je izbjegavalo sazivati Vijeće mjesne zajednice, tako da danas imamo situaciju da povjerenik kojeg smo danas mi predložili, bio je član Vijeća mjesne zajednice i nikada nije pozvan na sastanak. Toliko o kvalitetnom radu.

Vijećnik Eldis Kusur-replika, poštovani kolega Đuhera, eto ti dolaziš iz Novog Šehera i znaš situaciju u Novom Šeheru. Uredu neću ulaziti. Šta je sa Safetom Jašićem, koji je predsjednik Vijeća mjesne zajednice Kopice? Koji je uložio kroz projekte preko 100 hiljada KM. Što njega smjenjujete? Šta je sa Enesom Sejmenovićem? Isto tako, što njega smjenjujete? Šta je sa Ulišnjakom? Ernad Bećirović, što se on smjenjuje? Mislim, ja sam maloprije kazao, to je neozbiljno, jednostavno ovdje se vidi namjera, imate većinu, vi ćete to izglasati. Izglasajte bujrum. Mi smatramo da je to nelegalno, nezakonito. Mi imamo pravo za ovom govornicom, kao svi ostali vijećnici, da iznosimo svoje mišljenje, svoje prijedloge. Ja se

slažem, neću Šeher dirati. Ne slažem se da Kosta nije radio, zašto nije sazivao Vijeće mjesne zajednice to je nešto drugo. Ali znam da je i u Šeheru za vrijeme Nedžada Alispahića mnogo projekata urađeno, tako da ova opaska ne stoji.

Vijećnik Almin Smailović, ja ne bih da ulazim u neku preveliku raspravu, obzirom da je bilo puno tačaka dnevnog reda. Eldis Kusur je apostrofirao na mjesnu zajednicu Čobe, pa je red da objasnim neke stvari. Predsjednik mjesne zajednice je Munib Jusufbašić. Izbor je bio i od tada smo izabrali rukovodstvo. Ja sam potpredsjednik mjesne zajednice i od tada nikad kao takav nisam po Statutu nekom ko je važeći, nisam imao uvid u finansijski saldo. Savjet mjesne zajednice Čobe nije sazvan tri godine. Finansijski izvještaj ne znam ni kakav je, kako je usvojen, šta je rađeno. Ovo je proces u Čobama da se odblokira nerad mjesne zajednice, bar što se mene tiče i mog slučaja. Da ne govorimo o nekim posebnim imenima. Ko će biti izbor poslije određenog perioda od tri mjeseca koji je pred nama, to će pokazati narod, vrijeme. Što se tiče Čoba bio proces samo da se odblokira nerad, jer mjesna zajednica u Čobama ne postoji. To ja odgovorno tvrdim kao potpredsjednik te mjesne zajednice, jer sam kao takav dobio najviše glasova.

Vijećnik Eldis Kusur-replika, kolegi Alminu Smailoviću, znam da si član Vijeća mjesne zajednice Čobe. Znam da si učestvovao u mnogim aktivnostima što se tiče mjesne zajednice. Kad je to u pitanju, ovdje, Klub vijećnika SDA samo govori o tome da su ove radnje koje se rade samo nezakonite. Vi ako smatrate da su zakonite, bujrum. Drugo, formalno-pravno ako je neko bio član neke mjesne zajednice, sad uvodi se tu povjereništvo, ti si imenovan za povjerenika mjesne zajednice Čobe. Snosiš i ti odgovornost što ta mjesna zajednica nije radila. Po logici, ne bi ti trebao biti povjerenik, trebao bi biti neko drugi. Po logici. Mislim da ako si negdje u nekom organu, ja sam član Općinskog vijeća, ako sam za nešto glasao, glasao sam. Ako sam dio ovog Vijeća jesam, ali i ti si bio četiri i kusur godine član Vijeća mjesne zajednice Čobe, naravno da trebaš snositi neku odgovornost. Ja nemam ništa protiv tebe, samo ti iznosim činjenice da nije uredu, ako je već u Čobama imenovan povjerenik, to nisi trebao biti ti. I ti snosiš odgovornost zbog tog nerada. To je to.

Vijećnik Almin Smailović-replika, da ne idemo više u nepotrebne rasprave. Ja sam jedan od članova mjesne zajednice, njih je ukupno pet. Svi moji prijedlozi i sve moje aktivnosti su opstruisane i nisu imale nikakvo značenje. Da se ja osjećam odgovornim, ne, naprotiv, sve one stvari koje su bile dobre, ja sam podržavao. Ako je bilo dobrih stvari, predlagao sam još više dobrih stvari. Ne ulazim u te neke stvari, svi znamo kako se biraju Savjeti mjesnih zajednica i na koji način i onda se oni podijele, ako imaju neki blokovi, onda se ostali opstruišu. Ja kao takav sam bio jedna jedinka koja je učinila ono što je mogla. Odgovornost možda imam određenu, što nisam odstupio odmah sa te mjesne zajednice kad sam vidio da je takva.

Predsjedavajuća Svjetlana Zamboni-Radovanović, ako dozvolite, samo ako mogu da vas pitam, obzirom da nisam pravnik kao Vi, u čemu je razlika ako se u ovoj Odluci nalazi ime bilo ko, Enesovo ime, na ovoj Odluci stoji, ne neko drugo, je li ta Odluka ispravna, a u slučaju izmjenjene imena neispravna?

Vijećnik Eldis Kusur, gospođo predsjedavajuća, ovako. Ovdje nema prava u Odluci. Nema prava. Jasno da je od svih 20 imena da su druga imena, možda bi bila druga priča. Da je drugih 20 imena, možda bi i mi imali drugi stav. Međutim, dobili ste materijale imali ste priliku da pročitate tu Odluku, da vidite koja su tu imena, da uzmete imena od 2020.godine

vidite koja su imena i vidite koja sada nisu. Jasno nam je svima kao dan. Kolega Almin, iznijeli ste dobru konstataciju, nas je danas ovdje ispred Kluba vijećnika SDA devet, vi imate većinu, vas je 16. Tako je i u Vijeću mjesne zajednice, pet ili sedam. Ja smatram, ali onaj koji je član u Odboru mjesne zajednice. Ja ljudima koji su na terenu, koji su predsjednici mjesnih zajednica, skidam kapu. To su ljudi volonteri, to su ljudi koji svoje dragocjeno vrijeme odvajaju za nekog koji će sutra reći da je čovjek lopov. E to. Zašto smo mi predložili da se u Nacrtu Budžeta poveća stavka za mjesne zajednice, da radimo ko što ostale općine rade. Da znamo ko nam je predsjednik mjesne zajednice i kad radi, treba reći da radi. Za predsjednika koji donese u svoju mjesnu zajednicu kamion pijeska, treba mu reći svaka čast. To podržavam, bez obzira. Ja dolazim iz sasvim druge mjesne zajednice. Radi se, idemo raditi. Nisam član Vijeća. Kako ti ljudi rade, ja im se divim, a rade sigurno sami. Ovdje mjesne zajednice veoma, veoma bitan faktor i one moraju se uozbiljiti i moramo dići na veći nivo. Ovih pet mjesnih zajednica, ja sam kazao malorpije. Mjesna zajednica Kosova, infrastrukturni projekti u proteklom periodu, Šeher, Ulišnjak, Kopice, mislim ne želim samom sebi da priznam da se radi, prekriži ovog, daj onog. Mislim to tvrdim i to gospođu predsjedavajuća u ovoj Odluci formalno-pravno kod skidanja i križanja predsjednika iz reda SDA nema prava.

Vijećnik Elvir Vehabović, prije svega da vas pozdravim, čestitam na izabranim mandatima svima nama. Ovdje vidimo imena povjerenika za sve mjesne zajednice. Ja ću se prvo osvrnuti na svoju mjesnu zajednicu i reći da gospodin Edib Delić sasvim korektno u proteklom periodu obavljao dužnost povjerenika, predsjednika mjesne zajednice. Nemam ništa protiv da to nastavi dalje. U šaljivom tonu ću nastaviti dalje, ovdje ima samo jedna osoba koja to može obavljati bolje od njega, to je gospodin Firuz Galijašević. Moj prijedlog iz objektivnih razloga, povjerenik mjesne zajednice Straište Almin Hodžić je momak, student i mislim da ne može, fizički neće moći biti prisutan tu, tako sam dobio informaciju. Moj prijedlog za povjerenika mjesne zajednice Straište je Vahidin Čizmić.

Vijećnik Jasmin Begić, po ovoj tački nisam se mislio javljati. Ali vidim da ode u nekom smjeru, pa hajde da dam svoj doprinos koliko je moguće. Svjedoci smo bili na početku sjednice, kršenje Poslovnika o radu gdje nismo dobili zapisnik sa Kolegija. E sad imamo očigledno kršenje zakona i Statuta mjesnih zajednica. Znači šta hoću da kažem. Nije bitno koga ćete imenovati, nije bitno. Bitna je procedura i da bude zakonito. Ne možete nekog imenovati kada ovaj nije dobio Rješenje o razrješenju. Ne trebamo biti pravnici, trebamo se samo pripremati za sjednice. Znači ne treba biti pravnik, nego fino napraviti Rješenja o razrješenju ovih imena da ne raspravljamo o svakoj mjesnoj zajednici pojedinačno, razrješite ljude, shodno zakonu, imenujte ljude shodno zakonu, u roku od 90 dana nek sazovu zbor, nek izaberu novo rukovodstvo. Što neki kolega kaže, nek dobiju povjerenje oni ljudi koji to zaslužuju. Vi imate većinu, možete izglasati, nije problem. Ovaj saziv Kluba vijećnika SDA, vam kaže, dobijemo li ovdje šta negativno, protivno zakonu, mi ćemo sigurno ići dalje. To su institucije lokalne samouprave na nivou federacije i na nivou kantona. Shodno tome, kakvi budu odgovori odozgo, bude li se bahato pomašalo prema tome, zna se šta je sljedeće. Neko će morati krivično odgovarati. Mi vas upozoravamo na zakon provođenje, zakon. Primjer, jeste vidjeli stavke u Budžetu, 27 hiljada KM ide na tužbe. Zašto? Zato što u Općini pravnici ne rade svoj posao. Samo za godinu, znate li koliko potraživanja ima, da su dobili Općinu? A plaćamo pravobranioca. Shodno zakonu da se izaberu, imena me ne interesuju.

Načelnik općine Mirsad Mahmutagić-replika, opet ću reći jel krivi navod il neznanje, otom potom, Zakonska obaveza je u Budžetu planirati iznos 0,03% Budžeta za pokrivanje zakonskih presuda. Općina Maglaj plaća i plaćat će još godinama porodici Tomić za zemljište kod T-objekata kojima nije plaćano, evo vi prosudite iz kojih razloga nije Tomićima plaćano, kao prioritetima ko najstarija presuda. A slučaj datira iz 80-tih godina. Prosudite zašto se plaćaju uposlenicima Općine Maglaj presude, jer neko nije poštovao zakon, pa se pojedini uposlenici tužili Općinu i dobili spor. Prosudite zašto smo izgubili spor od 200 i nešto hiljada od TB Inžinering kada su radili za vrijeme poplava 2014. I to će Općina plaćat još i godina i godina. A planira se 27 hiljada zato što je bio Budžet planiran za 2020.godinu, bio planiran 8 miliona i nešto. Tih 003% dođe upravo tih 27 hiljada i ostalo u rebalansu, zašto što je obaveza odmah po usvajanju Budžeta obaveza dostaviti banci dokument u kojem stoji na kojoj poziciji stoje ta sredstva. I banka odmah skida ta sredstva po prioritetima. Zašto prije nije išlo po prioritetima, drugo je pitanje. U sadašnjem Nacrtu imate 27 hiljada koje je ostao od rebalansa i ono će se u prijedlogu promijeniti i bit će tačno 0,03%. I ne radi se zbog toga što su loši pravobranioci ili loši pravnici, nego se radi o drugom, što je neko svjesno kršio zakonske procedure, eto to je suština svega.

Vijećnik Eldis Kusur-replika, slažemo se mi da je to tako, ali ev pozivamo da to ne bude. Ne ide se dalje tako, da se ne donosi nešto nezakonito. Evo kao što je načelnik kazao, optereti se Budžet, opredijele se sredstva od 0.03% kad presuda bude, uzme se samo s računa. Idemo u tom pravcu, da se to. Mi znamo, bit će tih presuda, radnji za koje će neko Općinu da tuži. Ali da idemo u tom pravcu da ne razmišljamo više o tim stvarima. Imamo hvala Bogu pravobranioca, imamo Službe i da oni vode računa o tim stvarima. Da ne ide javni novac za te tužbe, da se ne isplaćiva kao ošteta licima koji su tužili Općinu. Trebamo to smanjiti, da što manje sredstava iz Budžeta Općine. Što bi kad administracija na čelu sa načelnikom može opredijeliti ta sredstva za neke druge stvari.

Vijećnik Safet Jašić, ja ću iznijeti neka svoja razmišljanja. Nisam bio na Klubu iz zdravstvenih razloga, možda ćemo se negdje ponoviti. Nemojte zamjeriti. Bez obzira kakav je odnos snaga u Općinskom vijeću Maglaj, kolika je opozicija, koliko je pozicija jača, bez obzira na to, mislim da trebate sve prijedloge, konstruktivne, uvažavati jednako, kao da je predložio neko iz vaše većine. Ja to tako mislim da će biti i treba da bude, jedna zdrava opozicija je uvijek dobra i u Općinskim vijećima, parlamentima i tako dalje. Druga stvar, evo preću na materiju i reću sljedeće. Malo kolegi Smailoviću da kažem, ti si bio zamjenik predsjednika, nisi bio samo član i gledao si taj nerad, nebitno sad. Pominješ ovdje termin Savjet mjesne zajednice, to bolan odavno ne postoji. Savjet mjesne zajednice je bio prije rata. Pravila postoji, Statut postoji, u ovom slučaju naš je Statut važeći iz 2011.godine. Ovdje što se tiče Kluba SDA, mi tražimo samo da budemo jednako tretirani, stari predsjednici mjesnih zajednica. Ništa drugo. Sastav koji je bio ranije, po Odluci dobili Rješenja kao povjerenici. Tražimo isti tretman, da ljudi provedu izbore kad se steknu uslovi sa resornom Službom. Nijedna od ovih Odluka nema uporište ni u Statutu mjesnih zajednica ni Općine Maglaj. Ali evo ja ću na kraju reći nešto o svojoj mjesnoj zajednici, pa ćete vidjeti da sam 100% upravu. Ne ja, nego moja mjesna zajednica i sastav njen da je odlično radio. Ali vidjet ćemo, otom potom. Tražimo samo isti tretman i ništa drugo. Ja ću vam otprilike, nadam se da ćete me razumjeti i da ćemo naći zajednički jezik. Danas u prijedlogu, ovako kako je to zamišljeno, danas u prijedlogu dnevnog reda imamo diskriminirajuću Odluku, kojom se pokušava

nametnuti politička volja, bez da se o tome pitaju građani. Zašto ovo kažem? Građani su ti koji biraju Vijeća mjesnih zajednica. Samo su oni nadležni i mi njima odgovaramo. Odnosno ti ljudi koji budu izabrani. Jer svi mi živimo u tim sredinama i nama je najveći interes da tamo bude dobro. Riječ je ponovnom pokušaju diskreditacije onih za razliku koji rade i ovako i onako, da se niko ne uvrijedi. politikom podobnih eliminatorajući one sposobne u ovom pravnom haosu koji pravi većina, napraviti još veći i nekontrolisani kaos. Svi znamo i kako su se zaustavile redovne procedure po isteku mandata iz 2017.godine i pokušao nametnuti nezakonitu proceduru. Od tada do marta 2020.godine nije bilo pandemije, ali je vladao jedan drugi virus. Virus zavadi pa vladaj. Budite sigurni da je tako. U protekle četiri godine izbjegnute su svi kontakti sa predsjednicima mjesnih zajednica, pogotovo sa ovih pet na kojima se teror nastavlja ovom smjenom povjerenika. Kako možete objasniti ovaj čin, kada nigdje kao takav nije definisan, osim kao proizvod volje i stava jednog čovjeka ili jedne partije, grupe ljudi, koji na sve načine pokušava diskreditovati aktiviste, koji umjesto da mu budu partneri, dobili su poniženje, tamo nekakvom smjenom. Jesu li to 17 drugih mjesnih zajednica i povjerenika, nemam ništa protiv njih, čiji aktivizam nije niti blizu aktivizma ovih pet mjesnih zajednica izmjereno ili procijenjeno metrom ili je to poznato samo vama? Statutom Općine jasno je definisano kada i u kojem slučaju se mijenjaju izabrani zvaničnici, to je nezakoniti rad, povreda Statuta, istekom mandata i slično, šta je od nabrojanog razlog smjene. Ove su mjesne zajednice koje su pomenuli.

Predsjedavajuća Svjetlana Zamboni-Radovanović, vrijeme gospodine Jašiću, već Vam je isteklo, pa privodite diskusiju kraju, molim Vas!

Vijećnik Safet Jašić, de dozvolite mi da iznesem sve. Toliko sam se trudio da napišem. Šta hoću da kažem. Ove mjesne zajednicu su povlačile sredstva sa viših nivoa, nisu bili ljubimci Općine. Mi smo se borili. Ja sam 120 hiljada, naša mjesna zajednica je prošle godine unijela u našu mjesnu zajednicu. Nismo nikada kritikovali Općinu zašto mi ne dobijamo kao neka druga mjesna zajednica. Radimo projekte, apliciramo i tako dalje. Zaustavili ste proceduru izmjene i dopune Statuta mjesnih zajednica, nadležno Ministarstvo reklo da nije zakonita procedura i onda ste stali. 2019.godine opet napominjem, nije bila pandemija, jasno je da niste htjeli završiti postupak ili niste znali.

Predsjedavajuća Svjetlana Zamboni-Radovanović, imate još minut da završite svoju diskusiju.

Vijećnik Safet Jašić, danas u ovom pravnom haosu se ne zna po kojim aktima provodite vašu naknadu, na nivou Općine ništa nije usklađeno, Statut mjesnih zajednica koji nije u primjeni 2011.godine, ne sadrži Odredbe po kojima želite provoditi procedure. Statut Općine ne definiše način izbora po mjesnim zajednicama, samo proceduru. Providna je namjera u prijedlogu Odluke o imenovanju povjerenika u pokušaju da se sakrije prava namjera. Ostavili ste neke povjerenike koji po opredjeljenju ne pripadaju SDP-u kako bi sakrili pravu namjeru, a to je smjena povjerenika u pet mjesnih zajednica.

Predsjedavajuća Svjetlana Zamboni-Radovanović, hvala Vam lijepo. Prekidam Vašu diskusiju.

Vijećnik Safet Jašić, onda će predsjednik Kluba nastaviti, jer ja ovo moram završiti.

Predsjedavajuća Svjetlana Zamboni-Radovanović, nemam ništa protiv.

Vijećnik Eldis Kusur, ja ću biti kratak. Naprotiv, malo prije sam kazao u svojoj diskusiji da ovdje treba pospješiti rad mjesnih zajednica. Stav Kluba SDA je zaista da te mjesne zajednice

budu primjer i da se ti ljudi nagrade. Drugo, Statutom Općine Maglaj član 102. stav 3. pročitajte u kojem piše, fino piše. Prije toga imaju još dva stava, član 102. stav 2. fino piše da Općinska vijeća mogu da raspuste neka, parafraziram sad, ne čitam tačno, mogu da raspuste neke organe, tj. neke mjesne zajednice zbog nezakonitog rada. Ne znam je li ikom utvrđeno da nezakonito radi. Stav 3. istog člana 102. fino piše, ukoliko se raspuste te mjesne zajednice, uvodi se povjereništvo koje je dužno u roku od 90 dana da provede potrebne procedure da se izaberu novi članovi mjesnih zajednica na zborovima.

Predsjedavajuća Svjetlana Zamboni-Radovanović, dozvolite da ne parafraziram, evo ja ću citirati tačno stav 3. člana 102.: „Do provođenja novih izbora, ali ne duže od 90 dana od dana raspuštanja, poslove organa mjesne zajednice, obavljat će povjerenik koga Odlukom raspuštanja imenuje Općinsko vijeće.“

Vijećnik Eldis Kusr, tih 90 dana je prošlo, znači četiri mjeseca. Pa se pitamo zaista, znamo da je pandemija COVID-19, evo i Vi ste danas kao predsjedavajuća organizirali sjednicu Općinskog vijeća, vodeći se svim mjerama koje su naložene i čestitam. Zaista čestitam što se trudite i borite da budemo svi bezbjedni. Koliko ćemo biti bezbjedni ne znamo. Ali tako su se mogli provesti i izbori u svim mjesnim zajednicama. Mogli su se zakazati zborovi na kojima bi se legalno izabrali predstavnici organa Vijeća mjesnih zajednica i tako treba biti. Ja sam maloprije kazao, ja skidam kapu ljudima koji su predsjednici mjesnih zajednica. Te ljude treba nagrađivati i tim ljudima treba davati priznanja. Ja nemam pravo, ako me ne interesuje, ako neki sokak nije afaltiran ili nasut, ako se predsjednik bori da se to naspe, otkud meni pravo kao članu te mjesne zajednice da kritikujem njegov rad. Nemam pravo, ti ljudi koji su predsjednici, koji su danas povjerenici, ali danas niko neće da to bude. Samo nas interesuje. Trebali ste potvrditi, iako bi i ta Odluka bila nelegalna, ali trebali ste potvrditi. Pitanje zašto se tih pet ljudi izbrisalo, stavila se nova imena? Nemam protiv bilo kojih ovih 17 predsjednika mjesnih zajednica ništa, ja im čestitam, ljudima treba dati maksimalnu podršku i podržavati ih u njihovom radu u mjesnim zajednicama.

Vijećnik Mirza Mešić, nisam stvarno imao namjeru da se javljam vezano za ovu temu, iako sam jedan od ovih prijedloga. Između ostalog ste rekli da spadamo u javašluk, gospodine Kusr. Ako je 277 tih glasova koje sam ja dobio u svojoj mjesnoj zajednici, javašluk, hvala Vam u ime svih tih građana. Drugo, vezano za Statut iz 2011.godine. Ja koliko znam ti Statuti nevažeći jer nisu potvrđeni do Vijeća. Ovo sve što vi tražite, što pokušavate, ja vas razumijem u potpunosti. Jasno mi je zašto se tako ponašate. Ali volja građana na ovim izborima je rekla da želi promjene u tim mjesnim zajednicama. Pominjali ste imena, da ih ja ne pominjem od Kosove, Kopica itd. Volja građana je ovo. Mjesne zajednice su dio Općine, sam gospodin Jašić je rekao da nema saradnje između ovih mjesnih zajednica i Općine, mi hoćemo da Općina ima saradnju, pa ćemo ići dalje. To je osnov, a ne izbjegavati Općinu pa tražiti projekte, jer je neko moj na vlasti. Ne. Prvo se polazi i drugo da se olakša rad načelniku i Službi. Ove mjesne zajednice su vršile opstrukciju i načelnika i općinskih Službi. Toliko.

Vijećnik Eldis Kusr, kolega Mešiću, ja Vama čestitam na osvojenim glasovima, ja ne znam gdje ste se Vi našli kada sam ja spomenuo javašluk. Ja sam mislio prethodno šta se radilo sve ukupno oko mjesnih zajednica je javašluk, bez obzira koji je mandat bio. Evo 2011.godine je zadnji Statut koji je objavljen u Službenim novinama. Mogli smo mi usvajati, ali ako nije objavljen. A Vas lično, čestitam Vam na osvojenom mandatu, nemam ništa protiv. I čestitam što ste Vi u mjesnoj zajednici Kosova ostvarili takav rezultat. Lično protiv Vas nemam ništa.

A javašluk, mislio sam na proceduru i status mjesnih zajednica, nisam mislio što se Vaše našlo ime da ste povjerenik, ja nemam ništa protiv što ste Vi povjerenik. Samo govorim o postupku i načinu imenovanja povjerenika, mjesnih zajednica. Dajte da to uvedemo u zakonit rad, da pomognemo tim ljudima. Evo konkretno, tu je i predsjednik mjesne zajednice Brezove Dane-Domislica, Mustafa Bešić, u nas je 40 kuća već prazno. Neće niko da bude predsjednik mjesne zajednice. Ja ovim putem opet zahvaljujem kao građanin ljudima koji nose taj teret. Ali hajde da to uredimo, da se ponosimo što smo uradili nešto za četiri godine. Resorna Služba, ne može ni ona sama ako na terenu nema odziva i nema ljudi koji su zainteresovani. Dajte da uvedemo u zakonite procedure i onda da idemo raditi.

Predsjedavajuća Svjetlana Zamboni-Radovanović, evo znam da će mi šefica resorne Službe zamjeriti, ali stvarno moram pitati. U koliko istekne rok od 90 dana, odnosno period na koji su imenovani povjerenici i nije provedena procedura izbora Vijeća mjesnih zajednica, kako se mi trebamo ponašati?

Eldina Mehinagić, u principu to bi više trebalo sekretar Vijeća proceduralno da odgovor na pitanje, ja nisam pravnik, ali mogu da kažem obzirom na okolnosti koje su sada i obzirom na ono što sam pročitala u Statutu i da tumačim Statut zajedno sa pravicima s kojima sam radila. Ako istekne mandat i za to vrijeme i prođe određeno vrijeme poslije isteka mandata, normalno je da se ponovo imenuje rukovodstvo. Po meni, procedura razrješenja ove Odluke stare samo u slučaju, ako se u tom vremenskom periodu nešto desi ili promijeni, odradi. Nekada u 9.mjesecu prošle godine je imenovano rukovodstvo mjesnih zajednica, odnosno povjereništvo mjesnih zajednica. Poprilično je prošlo vremena, taman kakva god da je situacija bila povoljna ili ne, kakva su imena, sasvim je bilo logično da se donese Odluka o imenovanju povjerenika. Sad ne govorimo o tome da li je neko dobro ili loše radio, nego da je istekao mandat i da se za to vrijeme, poslije opet prošlo određeno vrijeme nije ništa radilo, mi imamo obavezu da se donese Odluka o imenovanju povjerenika. Nećemo o imenima, nego o procedurama.

Vijećnik Safet Jašić, znači neću ni replicirati gospodinu Mešiću, neću ništa o tome da pričam. Mjesne zajednice ne bi trebalo biti političko pitanje, nego realno s ciljem dobijanja partnera, a ne protivnika. Očekujem da se uozbiljimo, da vratimo procedure i završimo ovu sagu, a da mandat dobiju predsjednici Vijeća mjesnih zajednica, kako bi kao najbolji poznavaooci prilika završili procedure u skladu sa važećim aktima i u dogovoru sa resornom Službom. I evo napomenut ću, sve vrijeme mjesna zajednica Kopice se stavlja u kontekst sa svim mjesnim zajednicama. Mjesna zajednica je provela izbore regularno 12.02.2018.godine. To je poznati svima i načelniku. I sve smo dostavili, Odluku o izboru, Odluku o izboru predsjednika, dopredsjednika, potpisnika sredstava. Uputili smo pismo, jer je bilo nekih dojava da je bilo neregularno, da se provjeri na terenu. Znači mjesna zajednica praktično ima mandat. Ali ja ne branim samo sebe ovdje. Dajmo malo da budemo fleksibilniji, demokratičniji. Daj da provedemo ove izbore zajedno, predstavnici koji su u kontinuitetu toliko vremena radili, da provedemo izbore kako treba. Nek bude ko hoće izabran, ja neću možda biti ni kandidat, najvjerovatnije neću. Ali samo daj da zadovoljimo neku pravdu, proceduru, ništa drugo. Ne daj Bože situacija takva kakva jest u Jablanici, ali trebate u ovom momentu da i mi ne posežemo za daljim traženjima svojih prava. Nije prijetnja nikakva, ali stari predsjednici trebaju provesti izbore sa Službom. Nek bude izabran ko god hoće, to je demokratija. Ja ne mogu reći da načelnik Mahmutagić nije legalno izabran. Izabran je,

građani ga izabrali, imali priliku da biraju. Hoćemo i mi priliku. Mi smo se našli u ovoj situaciji na tom položaju, provodimo izbore zajedno sa Službom i završena priča. Tako će svi biti zadovoljni i građani i mi.

Predsjedavajuća Svjetlana Zamboni-Radovanović, samo da kažem, provjerili smo sada Poslovnik ne poznaje termin druge diskusije uopće.

Vijećnik Safet Jašić, e jesam vas prevario.

Predsjedavajuća Svjetlana Zamboni-Radovanović, evo neću moći spavati. Nek ste Vi pročitali to što ste pripremili.

Vijećnik Jasmin Begić, samo da vam kažem, sad smo se malo. Povjerenici su imenovani na period od 90 dana, niste ispoštovali proceduru, jer nisu oni ispoštovali proceduru izbora novih. Prećutno ste znači prihvatili njihove potpise, prihvatili njihove incijative, svih njih. Ja vam predlažem da svi budu zadovoljni, ne govorimo ovo što smo protiv bilo čega. Sad opet napominjem, imena me ne interesuju. Dajte da radimo po zakonu, produžite od onog dana kada su im istekla Rješenja, produžite im Rješenja na 30 dana, da raspišu izbore. I što Mešić kaže, ako je on dobio 200 glasova u Kosovi, on će biti predsjednik. Nema tu bezveze da polemishemo sat vremena oko jedne tačke. Produžite Rješenje starim povjerenicima, nek imaju rok, nema da nemaju, moraju sazvati zborove, organe, dajte da radimo po zakonu.

Vijećnik Mirza Mešić, samo da skratim ovo sve. Iznijeli smo svoja mišljenja i stavove, nema potrebe više. Jedino sam zaboravio maloprije reći. Kolega Vehabović što je iznio ovo, mi kao Klub vijećnika SDP-a ćemo podržati ovo ime i zamolio bih ostale vijećnike da ne ostajemo više. Mi podržavamo ovo kako jest sa izmjenom Vehabovićem. Ako imate kakav prijedlog, kažite i to je to.

Zaključujem raspravu.

Vijećnik Hajrudin Ferić odsutan.

Stavljam na glasanje prijedlog vijećnika Almina Smailovića, da imenovani povjerenici u koordinaciji sa općinskom Službom, poštujući propisane mjere zaštite od COVID-19, provedu procedure izbora imenovanja rukovodstava mjesnih zajednica.

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Ferić (DF), Elvir Vehabović (NBL), Pero Mamić (HDZ), Aida Bašić (A-SDA), Adis Abdurahmanović, Jasmin Begić, Safet Jašić, Eldis Kusur, Edin Osmić, Eldin Pehrat, Edin Salatović (SDA).

GLASALO PROTIV: Maid Suljaković (SDA).

Stavljam na glasanje prijedlog Kluba vijećnika SDA, da se starim povjerenicima, povjerenicima koji imaju imenovanja iz septembra prošle godine, da im se produže mandati.

GLASALO ZA: Adis Abdurahmanović, Jasmin Begić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

GLASALO PROTIV: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i

Svjetlana Zamboni-Radovanović (SDP), Mustafa Bešić (SBB), Elvir Vehabović (NBL), Pero Mamić (HDZ).

GLASALO UZDRŽANO: Aida Bašić (A-SDA).

Stavljam na glasanje prijedlog dr.Vehabovića, da se u MZ Straište za povjerenika umjesto Almina Hodžića imenuje Vahidin Čizmić.

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Elvir Vehabović (NBL), Pero Mamić (HDZ), Aida Bašić (A-SDA).

GLASALO PROTIV: Adis Abdurahmanović, Jasmin Begić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

GLASALO UZDRŽANO: Samir Fetić (SDP).

Stavljam na glasanje

ZAKLJUČAK

28.1 Usvaja se Odluka o imenovanju povjerenika MZ-a općine Maglaj;

28.2. Da imenovani povjerenici u koordinaciji sa Općinskom službom poštujući propisane mjere zaštite od COVID-a 19, provedu procedure izbora imenovanja rukovodstva Mjesnih zajednica;

28.3. Da se za povjerenika Mjesne zajednice Straište imenuje Vahidin Čizmić umjesto Almin Hodžić.

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Elvir Vehabović (NBL), Pero Mamić (HDZ).

GLASALO PROTIV: Adis Abdurahmanović, Jasmin Begić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

GLASALO UZDRŽANO: Aida Bašić (A-SDA).

29. Odluka o pokretanju procedure izbora i imenovanja u reguliranim organima općine Maglaj;

Otvaram raspravu.

Zaključujem raspravu i dajem na glasanje

ZAKLJUČAK

29.1. Usvaja se Odluka o pokretanju procedure izbora i imenovanja u reguliranim organima općine Maglaj;

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Fermić (DF), Elvir Vehabović (NBL), Pero Mamić (HDZ), Aida Bašić (A-SDA), Maid Suljaković (SDA).

GLASALO PROTIV: Safet Jašić (SDA).

GLASALO UZDRŽANO: Adis Abdurahmanović, Jasmin Begić, Eldis Kusur, Edin Osmić, Eldin Pehrat, Edin Salatović (SDA).

30. a) Rješenje o razrješenju zamjenskog člana Općinske izborne komisije Maglaj; Download
b) Odluka o raspisivanju javnog oglasa za imenovanje člana Općinske izborne komisije Maglaj (uz prilog Tekst Javnog oglasa za imenovanje člana Općinske izborne komisije Maglaj);

Otvaram raspravu.

Zaključujem raspravu i dajem na glasanje

ZAKLJUČAK

30.1. Usvaja se Rješenje o razrješenju zamjenskog člana Općinske izborne komisije Maglaj;

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Fermić (DF), Elvir Vehabović (NBL), Pero Mamić (HDZ), Aida Bašić (A-SDA).

GLASALO UZDRŽANO: Adis Abdurahmanović, Jasmin Begić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

30.2. Usvaja se Odluka o raspisivanju Javnog oglasa za imenovanje člana Općinske izborne komisije Maglaj (uz prilog Tekst Javnog oglasa za imenovanje člana Općinske izborne komisije Maglaj);

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Fermić (DF), Elvir Vehabović (NBL), Pero Mamić (HDZ), Aida Bašić (A-SDA).

GLASALO UZDRŽANO: Adis Abdurahmanović, Jasmin Begić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

Vijećnička pitanja i inicijative

1. Vijećnik Firuz Galijašević - na osnovu člana 53. Statuta Općine Maglaj, pokrećem inicijativu za saniranje dijela ulice 1.marta. Prilikom popravke asfalta zbog kvara gradskog vodovoda u ulici 1.marta u blizini Policijske stanice, izvođač radova je asfaltirao taj iskopani dio kao ni sebi ni svom, u prijevodu užasno, jer je sada golim okom uočljivo udubljene u asfaltu koje ne samo da uzrokuje kvarove na autima stanovnika Maglaja, nego može prouzrokovati i saobraćajne nesreće sa teškim posljedicama. Hitno sanirati oštećeni dio u ulici 1.marta koji izvođač radova nije vratio u prvobitno stanje.

- na osnovu člana 53. Statuta Općine Maglaj, pokrećem vijećničku inicijativu za uvrštavanje u Program zimskog održavanja svih asfaltiranih puteva u mjesnim zajednicama Moševac i Ravna. Često se javlja problem u mjesnim zajednicama Moševac i Ravna da firma koja je zadužena za zimsko održavanje lokalnih puteva, tj.čišćenje snijega i posipanje posipnog materijala po svim asfaltiranim putevima, ili loše ili nikako ne uradi svoje preuzete obaveze za koje je naravno i više nego dobro plaćena. Zbog stalnih kritika mještana navedenih mjesnih zajednica, putem telefona, društvenih mreža i ličnim kontaktom, predlažem i zahtijevam: da se hitno uvrsti u program zimskog održavanja lokalni i nekategorisani putevi i obavezno održavaju, a ne kao ove godine i to sljedeći putevi: put za Husakoviće Moševac, put za Vehaboviće do kuće Delić (Jusuf) Safet Moševac, put do kuće Hasanbašić (Mumina) Jasmin Moševac, put za Avdiće Moševac, tj. samo posipni materijal na početku puta, pošto je gore teže uzaći, put za Gaj Ibrakoviće, put za Kalabiće Ravna i put za Hasagiće Ravna.

2. Vijećnik Edin Osmić, ja pokrećem dvije inicijative. U razgovoru sa mještanima, kada sam prolazio i razgovarao, jedni od prioriteta, 80% je rješavanje početka dovoda pitke vode. Prvo pitanje je rješavanje dovoda pitke vode. Ovdje sam i napisao, da li je moguće ili ne, koliko ima vode. Rekli su mi da ima. Desna strana, gdje sam i ja s kućom, Osmići, Salkići, da li ste upoznati svi 99% su bunari od katrana crnog. Znači katran i ljudi piju od kako je deponije i kako je smeća odozgo, piju vodu. I tamo je i moja kuća od mame i kad god se čisti bunari znači kamen bude crn, svake dvije tri godine. Po meni jedno od većih i gorućih pitanja. To je prvo, a evo i napisano da ste i vi upoznati. A drugo je rješavanje problema prelaska preko puta M 17 kod skladišta Hebi. Znate svi situaciju, da je mladi život tu poginuo, da je curica stradala. I to sam isto, imam papira. Dvije tri mlade majke su mi rekle da ne planiraju ni da traže posao dok im djeca idu u školu. Znači oni su ostali i od daljnjeg posla i rada da bi djecu prevodili preko tog dijela. To su moje dvije inicijative.


3. Vijećnik Mustafa Bešić, svi smo upoznati da je kiša i snijeg velike, faktički nevrijeme u januaru i februaru, pa sam jednu inicijativu i vijećničko pitanje podnio za sanaciju makadamskih puteva na cijeloj općini Maglaj. Imamo stvarno problema. U mojoj mjesnoj zajednici od dionice Čobe preko Balela, gore Domislica, onda Beše, taj put. Mi smo u jedanaestom mjesecu uradili, al ov vrijeme, kiše, to je kaos. Ja ovom prilikom sugerišem da nam pomognete da izađe Komisija stručna iz Općine da nam utvrde tu sanaciju. I put za Brezove Dane, imamo povratničko naselje gore, Hrvati i Srbi, gdje stalno me kontaktiraju, mole da se to sanira. To je dionica puta jedno kilometar, dva otprilike, da se pomogne. Pojavile su se velike rupe, nemoguće se kretati.

4. Vijećnik Eldis Kusur, pokrećem inicijativu da se pokrene procedura oko rješavanja problema prelaska puta preko M17 u Jelovcu na način da se sačini Idejno rješenje, na koji

način će se prelaziti i da se o ovom problemu sačini neki finansijski pokazatelj. To jest problem prelaska učenika i drugo. Zaista u to, meni je žao što ja ispred kolege iznosim, da li nadvožnjak ili neko drugo rješenje da se u tom dijelu mjesne zajednice Misurići pokrene. Drugo, nadovezat ću se na kolegu Mustafu Bešića. Zaista sam i ja, ovdje pokrećem inicijativu da se izvrši vađenje kanala i sanacija na putu Domislica-Novi Šeher, Novi Šeher-Domislica da se urede bankine i da se izvrši upravo ovaj nasip puta Domislica-Belele-Čobe, Domislica-Brezove Dane-Beše na ovaj način koji je rekao kolega Mustafa Bešić.

Predsjedavajuća Svjetlana Zamboni, zaključujem 2. sjednicu Općinskog vijeća u 14:03 sati.

Zapisničar,
Arnela Tumbić



PREDSJEDAVAJUĆA
Svjetlana Zamboni-Radovanović

